



Diabierna 29 Januari 2016 -Edicion-10 Vol.19514 Sta.Cruz #110
Tel: 585-9500 Fax:585-0951 - E-mail: solodipueblo@gmail.com

1.50

URATACA
CENTER
Special di awe:
Pisca gesmoor,
aroz, pan bati y
banana
Afl. 10.00
(di 12 pa 3pm)
Tel: 585-5212



Segun por comprende for di sr. Alvin Koolman.. **CITGO/PDVSA KIER E REFINERIA NA ARUBA PA 50 AÑA**

Awor Michelle kier grita contra nos corant?
**SOLO a gana Michelle den corte y
dicon e no a bay den beroep?**

Stop di sconde mane cobarde den parlamento!



Ora MEP no tey, nan ta yora.... pero...
**Arthur Dowers a keda sin
contesta mas di 100 pregunta
di MEP**

*Ora MEP tey, nan no ta worry pa duna
contesta*

**SETAR tabata hopi presente y activo den
Carnaval 2016**



Acuerdo monetario cu
CITGO lo ta:

**CITGO lo lease e
refineria pa 20 miyon
dollar pa aña**

Plus lo paga 10 miyon dollar na
belasting y 6% riba ganashi

Usando e refineria na Aruba...

**Venezuela tin ventaha
y lo genera ganashi cu
e crudo na \$ 30 pa bari**

**Segun gobierno,
comerciantenan ta
masha contento cu
parkeermeters**



Departamento di Labor y Investigacion cera mita dia: awe diabierna

Departamento di Labor y Investigacion ta informa cu diabierna 29 di Januari 2016 nan lo ta cera pa publico di 12:00 'or di merdia.

Dialuna 1 di Februari 2016 Departamento di labor lo habri normal bek. Nos ta pidi disculpa p'e inconveniencia cu esaki por trece cune.

Habitantenan di Simeon Antonio ta grita auxilio pa e holor malo



Esaki ta imagen di loke tin benta patras di casnan na Simeon Antonio cu ta keda pariba di Centro di Bario. Manera por mira riba imagen, ta trata aki di un cantidad di pisca cu sigur ta bay atrae un hala di musca. Habitantenan di Simeon Antonio ta haci un yamada na e departamento concerni pa por abor atende cu e caso menciona aki.

E situacion ta uno "NO higienico" pa e habitantemam di vecindario. Segun e habitantenan ya caba e holor y e cantidad di musca ta birando insoportabel. Auxilio ta e grito cu ta sali for di e vecindario di Simeon Antonio. E sitio ta pariba di Centro di Bario. Aki por mira e imagen di e piscanan benta patras di un di e casnan na Simeon Antonio:

Miembro di MEP, sr. Endy Croes:

Segun gobierno, comerciantenan ta masha contento cu parkeermeters



E siman aki a inicia tratamento di presupuesto 2016 den parlamento di Aruba. Aunke esaki ta laf, atrobe tin un acuerdo y deadline di 31 di Januari 2016 pa por aproba esaki. Den cuadro di esaki tur partido den parlamento por a manda nan preguntanan por escrito cual gobierno mester a contesta bek por escrito. Pero "EMANIPULACION" ta continua y diferente pregunta gobierno NO a contesta of a usa strategia cu lo contesta esakinan durante reunion.

Un contesta cu a yama mi atencion relaciona cu pregunta pa ta exacto # 132 riba parkeermeters. Gobierno ta contesta cu "comerciantenan" ta masha contento cu parkeermeters y clientenan awor por para mucho mas cerca di e negoshi y kizas hasta dilanti e negoshi. Gobierno no a splica si con nan a yega na e contesta aki. Nan no a splica si ta un encuesta nan a haci entre e comerciantenan. Nan no a splica cuanto comerciante



den Caya Betico Croes y alrededor nan lo por a pasa puntra. Nos ta corda con un comerciante di un restaurant na punta di caya publicamente a splica cu e mester a manda basta empleado cas pa corta den gasto como cu clientela no tabata yega cu e mesun frecuencia mas na su negoshi. Tin pruebanan palpable di lugarnan cu hasta a cera y bandona Caya Betico Croes

despues di introduccion di parkeermeters. Pesey mi kier a comparti un di e contestanan di gobierno awe pa pueblo por mira e seriedad con gobierno ta contesta preguntanan haci door di parlamentarionan. Ta un secreto publico cu e fluho di cliente a baha considerablemente desde a instala parkeermeters. Kico mas por spera di e gobierno aki? Pueblo keda alerta.

OAA
OPENBARE AVONDDLEERGANGEN ARUBA
BEROEPSONDERWIJS



Inscribi bo mes prome cu dia 5 di februari pa un opleiding durante oranan di anochi. Nos opleidingnan ta Welder A y B (Hato y San Nicolas).

Dia 9 di februari e lesnan ta cuminsa. Pa inscribi pasa prome na banco RBC. Number ta 44.67.892 pa pagaawg. 250,- pa e schoolgeld. Pasa na nos oficina cu e prueba di banco, un papel di censo di 5 florin, un pasfoto y diploma. Pa mas informacion: Tel: 5827324 of bishitanos website: www.oaa.aw

**PUEBLO A HAÑA SU
PEN BEK**

Pa kualkier informacion
solodipueblo@gmail.com
of
585-9500



Acuerdo monetario cu CITGO lo ta:

CITGO lo lease e refineria pa 20 miyon dollar pa aña

Plus lo paga 10 miyon dollar na belasting y 6% riba ganashi

Unvez cu Gobierno di Aruba bira doño di e refineria, e lo firma un acuerdo pa lease esaki cu CITGO. E suma cu lo lease e refineria cu CITGO ta 20 miyon dollar pa aña. CITGO lo haya yabi di e refineria y lo mester inverti pa asina por cuminsa su operacion. Dia cu CITGO dicidi di bay, e mester entrega Gobierno e refineria bek den mes condicion.

Aparte di paga 20 miyon dollar pa aña na lease, CITGO lo mester paga tambe un belasting. Aki ta trata di un belasting fiho di 10 miyon dollar pa aña. Ademas ora cu CITGO haci ganashi, e lo mester paga entre 6 cu 7% di belasting riba ganashi.

E formula aki ta loke mas o menos ta wordo usa na Curçao unda cu tambe Venezuela ta lease e refineria.

Ora e refineria habri.....

Como “labador di petroleo” lo no tin problema cu medio ambiente!

Un di e otro aspectonan cu tin preocupacion ta e medio ambiente. Hopi ta esnan cu ta pensa atrobe riba e huma cu e refineria lo produidi CITGO lo no bay opera riba calichi, pero lo bay opera riba gas. Esaki lo ta causa menos daño na medio ambiente.

Pero tambe e aspecto di dañonan na medio ambiente, Aruba lo no tin problema. E facilidad di e refineria lo no wordo opera como refineria, pero como “mehorador” di crudo. Manera nos mes ta bisa e ta manera un “labador” di e crudo pisa pa haci’e liviano.

Door cu no tin refinamento, esey ta haci cu lo no tin mucho consecuencia pa medio ambiente. Tur e Environmental Regulations di pais Aruba no ta necesario mas pa e funcion nobo aki di e refineria.

Azeta riba caminda

Diarazon, pa mas of menos 8:33 di mainta, durante control, un agente di unidad motoriza di polis a meld na central cu tabata tin azeta riba caminda for di e rotonde banda di aeropuerto te cu e cruzada di Pricesmart. Den cuadro di esaki a pidi asistencia di DOW pa asina haci esaki limpi. E auto cu a causa esaki tabata spoorloos

Segun por comprende for di sr. Alvin Koolman..

CITGO/PDVSA kier e refineria na Aruba pa 50 aña



CITGO®

Durante di e entrevista exclusivo cu Solo di Pueblo a tene cu sr. Alvin Koolman, di e comision negociador pa re-apertura di nos refineria, sr. Koolman a bisa cu Citgo ta interesa den e refineria di Aruba pa 50 aña.

E acuerdo cu CITGO a propone ta pa e por haya e refineria pa 25 aña y cu un opcion pa extension di otro 25 aña. Esaki sin duda ta un noticia hopi alentador pa e pueblo di Aruba cu despues di



algun aña sin e refineria, awor ta haya e noticia di e intencion di CITGO pa opera e refineria pa un duracion largo.

Sr. Koolman a bisa sinembargo cu e negociacion a bay den direccion di 20/10. Esta cu Gobierno lo bay duna CITGO un contract di 20 aña y cu un opcion pa extende pa otro 10 aña.

No ta descarta cu e miras economico lo ta pisa aki, unda lo kier ta cauteloso cu compromete e refineria pa 50 aña, si sa kico y con e prijsnan lo desaroya aki un paar di aña.

Hecho ta cu e negociacion cu CITGO ta muestra uno hopi alentador cual ta den beneficio di Aruba, pero tambe den beneficio di CITGO.

Usando e refineria na Aruba...

Venezuela tin ventaha y lo genera ganashi cu e crudo na \$ 30 pa bari

Cu e prijs di crudo na \$ 30 pa bari, hopi lo puntra si Venezuela lo haci ganashi si nan habri e refineria na Aruba. Segun e spliacion di Alvin Koolman cu apesar cu e prijs pa bari di petroli ta na \$ 30, toch Venezuela lo haci un bon ganashi.

E experto petrolero a splica cu pa Venezuela chupa e petroleo bini cune ariba ta costa nan \$ 4. Pa nan transporte pa Aruba y djey converti’e den petroleo sintetico, lo costa nan \$ 7 pa bari. Pues considerando e prijs di \$ 30, ta significa cu Venezuela ta keda cu un margen pa haci ganashi. E refineria na Aruba lo



por draai 200.000 bari pa dia y esaki lo por dunabo un bista cu e refineria na Aruba ta uno ideal pa Venezuela por converti su crudo pisa pa djey bende na \$ 30 pa bari.

Esaki ta haci cu tur e estudionan di Venezuela, CITGO y PDVSA ta muestra cu nan tin hopi hopi mester di Aruba, awor mas cu

nunca! Principalmente awor cu e prijs di petroleo a cay y di otro banda cu nan tin un stock di 130 aña di crudo pisa, pues 300 miyon bari di crudo pisa. Si e negoshi aki resulta factibel, anto e refineria lo por tey pa 80 aña mas o menos, labando e petroleo di Venezuela aki.

Candela den cas bandona



Diahuebs anochi algo prome cu 8'or y mey, dos unidad di brandweer y patruya di polis a bay cu urgencia na Ayo, unda tin un cas na candela. Na yegada enberdad nan a topa e cas completamente na candela y ta bin comprende cu ta trata di un cas inhabita. Mesora

brandweer a cuminsa combati e candela y hopi liher a sa di domina e candela. E motibo di e candela notaconoci, pero e cas no tin coriente pues no por ta trata di kortsluiting, probablemente lo por ta trata di un acto di vandalismo.

Fraccion di MEP:

Minister Schwengle mester trece claridad relaciona cu status di laboratorionan



Motie no. 3
OV # 10
27 januari 2016
Fraccion MEP

STATEN VAN A
Ingek. 27 JAN 20
Volgnr. 265/403

MOCION

Parlamento di Aruba, den reunion publico dia 27 januari 2016

Considerando cu:

- Laboratorionan na Aruba ta hunga un papel importante den nos comunidad;
- Recientemente minister encarga cu salubridad a expresa su dudanan den calidad di laboratorionan;
- Den esei e minister a confirma cu Landslaboratorium no a wordo acredita y e minister no tin confianza den e acreditación di laboratorionan priva;
- E expresion aki na prome lugar ta causa hopi preocupacion den comunidad, pasobra awor ta crea duda den integridad di resultadonan di laboratorio na Aruba.

TA DICIDI:

- Di urgi Minister encarga cu salubridad pa trece claridad den e problemática aki riba termino corto y informa Parlamento dentro di 6 siman con ta bai garantisa e integridad di e resultadonan di laboratorio.

Y ta pasa pa orden di dia.

Mas o menos 2 siman pasa Minister di Salubridad, sr. Schwengle a declara cu e lo no tin confianza den laboratorionan priva na Aruba. E expresionnan aki no a cay den bon tera cerca esnan cu ta ehersenan trabao den mundo di laboratorio. Nos fraccion tambe a sali condena cu e minister ta expresa su

mes di tal forma sin cu e por substancia loke e ta bisa.

Nos laboratorionan sin haci distincion tin un rol importante den nos comunidad y expresionnan den duda di e calidad sigur ta uno pa preocupa.

Den cuadro di esaki nos fraccion a entrega un mocion pa pidi Minister Schwengle trece claridad den e asunto aki y pa por informa parlamento den 6 siman kico lo bay haci pa garantisa e calidad y integridad di resultadonan di laboratorionan na Aruba.

Situacion economico di Venezuela ta haci cu....

Venezuela tin 300 biyon bari di crudo “extra pesado” cu e kier bin laba na Aruba

For di e entrevista cu Alvin Koolman, SOLO DI PUEBLO a bin comprende cu pa Venezuela produci placa y genera ganashi, e unico crudo cu e por bende ta e crudo “extra pesado”. Venezuela lo no por bende e crudo aki si e no pase door di un “mehorador di crudo”, pa kraak e crudo y haci’e liviano.

E situacion actualmente ta cu Venezuela no

tin mucho mas di crudo liviano, pero nan tin 300 miyon bari di crudo pisa. Pa nan por expande nan operacion pa asina haya mas placa, nan mester bay over na e crudo pisa cu nan tin warda.

Un facilidad manera Aruba, lo costa Venezuela 8 biyon dollar pa trah’e y lo dura 5 pa 6 aña prome cu e keda cla. Pesey e oferta di Aruba ta ideal pa Venezuela. Aruba ta ofrece un

compania unda Venezuela mester inverti 800 miyon dollar pa 1000 miyon dollar y den un aña lo tin e compania up and running.

E crudo pisa aki lo bin wordo “laba” na Aruba y lo wordo haci liviano. E lo bira un crudo sintetico cual lo por wordo manda Curaçao pa na Curaçao nan traha producto final manera gasolin of diesel.

Ora MEP no tey, nan ta yora.... pero...

Arthur Dowers a keda sin contesta mas di 100 pregunta di MEP

Ora MEP tey, nan no ta worry pa duna contesta



Parlamento di Aruba un vez mas ta mostra cu e no ta funciona. Ora cu Partido MEP no acudi na parlamento. Mesora e partido berde a cuminsa grita cu e fraccion di MEP no ta traha. Ora cu e fraccion di MEP haci su trabao y haci 100 pregunta na Arthur Dowers, e minister ta dicidi manera un mucha malcria cu “no no y no” e no kier duna

contesta.

Marisol a puntra e minister na tres ocasion pa e duna contesta, pero e minister a nenga! Pior ta cu e minister a haci promesa por escrito cu e lo duna e contesta durante di e reunion. Con oposicion por funciona asina? Dicon AVP ta critica e ora, na momento cu MEP no acudi na parlamento?

Tin un solucion menos costoso! Bo tambe ta preocupa cu e falta di mineral den e awa di Aruba?

Publicacion recien ta indica cu nos awa na Aruba ta asina limpi y puro cu e no ta contene casi niun mineral. Segun e mesun publicacionnan falta di mineral ta causa problema di curason, osteoporosis, malesa di ader, diabetes, malesa metabolico, inflamacion, piedra den nier y te hasta por ta causa di cierto tipo di cancer.



Normalmente nos ta haya mineral for di nos cuminda y for di e awa cu nos ta bebe. For di nos cuminda ya nos no ta haya casi mineral pa motibo cu nos cuminda ta hasa y procesa y te hasta cuminda cu no ta procesa ta bin for di teranan cu segun estudio a perde mayoria di nan mineral. E awa di Aruba ta asina limpi y purifica cu e tampoco no ta contene casi ningun mineral mas. **Esaki por ta un problema serio!!!**

Si nos no ta haya mineral di cuminda y di awa e deficiencia di mineral por causa problemanan serio pa nos salud.

Pa nos curpa por haya e mineral cu e mester ta importante pa nos suplementa nos awa y cuminda tumando mineral. ConcenTrace® Trace Mineral Drops ta e suplemento di mineral mas bendi na Merca y ta un di e suplementonan di mineral natural mas potente cu ta existi.

Mineral ta hunga un rol sumamente importante den nos curpa y ta e catalista cu ta permiti nos curpa pa absorbe vitamina y otro nutriente necesario pa un bon funcionamiento di nos curpa.

ConcenTrace® Trace Mineral Drops ta completamente natural y ta contene 72 mineral esencial cu e balans perfecto di mineral pa bo curpa. ConcenTrace® Trace Mineral Drops ta duna bo curpa tur e mineral cu e mester pa por funciona optimal y ta aumenta bo energia, vitalidad y ta mehora bo salud general. Tambe e ta yuda bo intestino, ta aumenta bo stamina y ta reduci cram.

Poniedo algun gota un par di biaha pa dia den e awa cu bo ta bebe y cushina cu ne lo haci un cambio grandi cu bo lo ripara rapido. Door di bebe e mineral den bo awa durante di dia bo ta permiti bo curpa di absorbe e nutriente cu e tin mester mas miho y na e momento cu e mester di dje.

**NA NATURE'S
DISCOUNT PALM
BEACH, SEROE
BLANCO Y POS
CHIKITO TIN UN
SURTIDO GRANDI DI
DIFERENTE SIZE DI
CONCENTRACE®
TRACE MINERAL
DROPS**



Biblioteca Nacional Aruba ta invita tur 60-plus pa su Tabletcafe 60+, diamars dia 2 di Februari



E mainta aki personanan riba 60 aña cu kier haya sa poco mas di nan Tablet of Smartphone por sinta un rato cu un mentor pa haci pregunta. Por haci pregunta tambe di Social Media y Windows. Un team di biblioteca plus voluntario ta warda tur bishitante di 60-plus. E indole di e mainta aki ta pa siña algo nobo,

comparti conocimiento y socializa. Esaki ta gratis.

Diamars mainta di 9'or pa 12'or, drop in un rato bebe un koppi koffie. Cada bishitante ta hiba su propio Tablet of Smartphone.

Diamars dia 2 di Februari na Biblioteca na Playa (Hal), mainta entre 9'or pa 12'or.

DTI ta reconoce personanan como Inspector di Seguridad

E Veiligheidsverordening (AB 1990 no. GT31) ta pone obligacion riba e dirigente(nan) di un empresa industrial cu mas di 100 empleado pa apunta un persona cu ta bay ta esun responsabel pa supervisa e cumplimiento di e exigencianan of instruccionnan segun e Ordenansa aki.

E Burgerlijk Wetboek (AB 1989 no. GT100) articulo 1614x enciso 1 te cu 5 ta pone un obligacion mas pisa riba e dunador di trabao pa loke ta trata, entre otro: - e diseño, e ekipamento y mantencion di e areanan di trabao, instrumentonan y e hermentnan cu cual e ta laga haci un trabao; - e tumamento di medidanan y facilita instruccionnan cu ta responsabelmente necesario pa evita cu e empleado den eheccion di su trabao ta sufri daño.

E Ministro di Ordenansa Teritorial, Infraestructura y Integracion mirando e diversidad grandi den tiponan di trabao cu tin un gran variedad di procesonan cu ta diverso y compleho pa cual e probabilidad cu un dunador di trabao por identifica tur e risiconan den su empresa ta improbabel y por lo tanto dificil pa e por cumpli cu e exigencianan di e obligacion conforme e Veiligheidsverordening y articulo 1614x di e Burgerlijk Wetboek, ta dicidi riba conseho di Dienst Technische Inspecties (DTI) – anticipando cambio den e Veiligheidsverordening – pa reconoce personanan cu tin por lo menos conocimiento basico di seguridad laboral, di e stipulacionnan di e

Veiligheids-verordening y di e articulo 1614x di e Burgerlijk Wetboek como Inspector di Seguridad.

Adicionalmente na e reconocimiento di Inspector di Seguridad, pa areanan di trabao, Ministro di Ordenansa Teritorial, Infraestructura y Integracion a stipula via un Decreto Ministerial, fecha 13 di Januari 2016 y number MR11/297/16, e siguiente maneho: 1. Cada dunador di trabao cu por lo menos 10 of mas empleado y cada empresadiconstruccion, independientemente di e cantidad di empleado, mester apunta un Inspector di Seguridad cu ta encarga cu e supervision di cumplimiento di e exigencianan of instruccionnan conforme e Veiligheidsverordening. 2. E Inspector di Seguridad mester entrega na DTI anualmente den luna di Juli un relato di e medidanan tuma pa promove seguridad na trabao, investigacionnan di incidente of accidentenan na pia di trabao y di e pasonan tuma pa evita repeticion di esakinan. 3. Cada dunador di trabao cu por lo menos 25 of mas empleado mester laga un Inspector di Seguridad haci un inventarizacion y evaluacion di e risiconan den e empresa. 4. E inventarizacion y evaluacion di e risiconan den un empresa mester tuma lugar cada 2 aña; por lo menos 1 vez pa aña e medidanan tuma pa elimina of por lo menos minimaliza e risiconan den un empresa mester wordo evalua riba nan efectividad door di un Inspector

di Seguridad. 5. Un ehemplar di e rapport di e inventarizacion y evaluacion di e risiconan den e empresa y e resultado di e evaluacion periodico di e efectividad di e medidanan preventivo mester wordo entrega na DTI. 6. E Inspector di Seguridad mester ta den posesion di un certificado of diploma reconoci pa DTI. 7. DTI lo mantene un registro di e datonan personal di e Inspector di Seguridad, e datonan di e instancia cu a otorga e certificado of diploma y e fecha di vencemento di e certificado. 8. Riba peticion por escrito di e personan cu ta bini na remarca y cu ta cumpli cu e rekisitonan nan nomber lo wordo agrega den e registro di Inspector di Seguridad, esaki despues di pago di e tarifa corespondiente. DTI ta recomenda cada dunador di trabao pa tuma nota di e obligacionnan stipula den articulo 1614x di e Burgerlijk Wetboek y tuma e pasonan necesario pa apunta un Inspector di Seguridad. Actualmente tin 2 instancia reconoci pa DTI cu ta duna curso riba e tereno di seguridad di trabao.

Personanan cu termina un di e cursonan aki cu exito por bini na remarke pa wordo reconoci pa DTI como Inspector di Seguridad.

E Ministro y DTI ta consciente di e importancia di un area di trabao liber di risico pa accidente laboral cu ta brinda seguridad tanto pa e empleado y e dunador di trabao, y ta haciendo lo maximo pa logra esaki. Un trabao sigur ta bon pa nos tur.

PUEBLO A HAÑA SU PEN BEK

Pa kualkier informacion
solodipueblo@gmail.com
of
☎ 585-9500

Segun sr. Alvin Koolman ;

Prijs di crudo lo keda abao.... pa 2018 e lo ta \$ 40 pa \$ 50 pa bari



Pesey mes ta decision strategico di Venezuela pa tuma e refineria awor Alvin Koolman a sigui splica cu e decision di Venezuela actualmente ta un decision strategico. Esaki envista cu e prijsnan di crudo lo bay keda abao. Ta pronostica cu na 2018 e prijs pa bari lo ta entre \$ 40 cu \$ 50 pa bari. Esaki ta haci e situacion ideal pa Venezuela pa cuminza laba su crudo pisa, converti'e den uno sintentico na Aruba pa djey exporte pa Curaçao, of pa mande pa Merca na e refinerianan di Citgo mes, pero no ta descarta cu lo por bende esaki cu cualkier otro refineria. E oportunidad pues ta sinta den e crudo pisa cual Venezuela ta pega cune. Venezuela tin 300 miyon bari di crudo, cual ta proyecta cu lo tin petroleo pa laba pa 130 aña, riba cierto calculacion cu por wordo haci. Venezuela ta den un situacion economico masha dificil unda cu actualmente door di e prijsnan abao, nan ta perdiendo placa. Cu e operacion pa kraak e crudo pisa y pa djey bende esaki, lo ta un operacion cu ta muestra ganashi pa

Venezuela. E refineria di Aruba ta converti su mes den un sorto di salbabida pa Venezuela, unda nan ta laba nan crudo pisa y bira bende cu cualkier otro refineria.






Diasabra 30 januari

40% riba tur bril di solo

25% riba contactlens di color

Shaba 587-3311 / Sta Cruz 585-4133

Prome fiesta na Sweetlicious



Annelieke a haci su fiesta di birthday na Sweetlicious. Cu ta haci'e e prome fiesta di mucha na Sweetlicious.
Hopi pabien, Annelieke!

Tres ruman Murphy ta reuni na Aruba despues di 53 aña



Tur tres ruman a nace na Aruba. Mike na 1954, Jim na 1956 y Billy na 1961. Nan mayornan a topa otro na Aruba trahando pa LAGO despues di sirbi den ehercito Americano durante Guera Mundial II. Nan mama Thelma tabata un nurse na hospital di LAGO y nan tata Bill tabata un supervisor den Comptroller's Department. Bill y Thelma a casa 1950 na misa Santa Teresa di San Nicolas caminda Bill tabata canta den coro.

Bill tabata encarga cu introduccion di e prome computador (IBM650) di LAGO prome cu el'a haya un transferencia pa Creole como Assistant Comptroller na Caracas. Despues di Venezuela, famia Murphy a biba na Spaña (Madrid), Inglatera (Southampton) y New Jersey, pero nunca a biaha bek pa Aruba.

E siman aki tabata e prome vez den 53 aña cu e tres rumannan tabata hunto na nan isla natal. Nan a bin a un ocasion masha special: dia 27 di Januari Jim a cumpli 60 aña! Aunke Jim nunca a bolbe Aruba despues di 1963, el'a bin cu su señora Stephanie, kende no tabata conoce Aruba, pa celebra e evento memorabel aki.

Mike y su señora a pasa nan luna di miel na Divi Hotel na 1977 y nan a bolbe varios vez pa bishitanan cortico cu

crucero. Billy si tin mas di diez aña ta bishita Aruba regularmente, algun aña dos biaha y el'a forma hopi amistad aki. Na 2011 Billy a bin Aruba specialmente pa celebra su mey siglo di bida. E conexion cu Aruba no ta para eynan. Amy (Murphy) y Kevin Emkey a casa na Oktober 2007 y a pasa nan honeymoon na Marriott Surf Club. David y Karen Murphy a drenta matrimonio Juli 2010 y nan tambe a bin Aruba pa nan luna di miel. Amy y David ta e prome y di dos yiu di Mike y Maggie Murphy. Sin duda, Billy ta esun cu a tramita pa e reunion tuma lugar na Aruba pa muestra su rumannan pakico e ta stima Aruba asina tanto.

Billy tabata tin reservacion pa yega Aruba dia 23, pero asina cu el'a tende di e amenaza di Jonas, e tempestad di winter, el'a avanza su fecha pa biaha cu dos dia. Si e no a haci esaki, e lo mester a warda te dia 26 ya cu su vuelo tabata un di e miles cu a wordo cancela dia 23.

Clyde Harms, un amigo di hopi aña di e famia Murphy, hunto cu su esposa Milagro a organiza un comemento casual na nan Cas na San Barbola pa Billy su amigonan di Aruba. Jim, Stephanie y Mike a keda impresiona cu Aruba, cu su limpieza y su hendenan. Nan a pasa un dia masha placentero na Renaissance Island caminda nan a saborea un pisca hasa. Nan a gusta

loke nan a mira e prome dos dianan na Aruba y nan ta ansioso pa haci e tour di henter e isla cu un jeep habri. Nan a gusta masha e cordialidad di e amigonan di Billy y nan

a bisa cu nan lo bin bek pronto.

E tres rumannan Billy, Jim y Mike Murphy a celebra Jim su di 60 aña na cas

di un amigo di hopi aña di e famia Murphy. Pa di prome biaha den 53 aña nan a reuni na Aruba caminda tur tres a nace. Foto Milagro Harms



CELEBRANDO ALGO ESPECIAL?

*Nos tin un package completo
cu snacks y bebida inclui.*

*Jama nos libremente na 582.3677
puntra pa Sra Riri Botta.*

WILHELMINASTRAAT #63, ORANJESTAD



Auto a dal dama cu a cruza caminda sin paga tino



Riba Caya Betico Croes diahuebs atardi pariba di e rotonde a sosode un accidente caminda auto a dal un peaton. Di biaha a despacha tanto unidad di ambulance y patruya di trafico ya cu e persona tabata benta riba di caminda. Paramedico di ambulance cu tabata pasando, a baha duna asistencia di biaha te ora cu e di dos ambulance

a presenta pa bay cu e victima.

Testigonan y un abogado presente a comenta na oficial di trafico cu e pickup bayendo pabao, e señora para pazuid di caminda a yega cruza e caminda cabez abao sin paga tino. E pickup a lastra brake y esaki por a tuma nota riba caminda pero tabata laat.

Rudy Richardson di MEP:

Un Gobierno sin etica

Gobierno di AVP a pone hala di trampa pa comunidad den e famoso Dialogo Social. Mi no ta waak e resultado positivo den esaki aunke mi ta mira e balor agrega pa Gobierno sinta cu stakeholders pa hiba un maneho mas eficiente posibel. Nos por mira cu na paisnan Europeo esaki ta funciona basta bon depende ken ta den gobierno anto na Aruba esaki aparentemente ta mescos. Desde 2009 MinPres, Mike Eman ta bezig ta firma hala di protocol cu no a resulta den hisa e calidad di bida di Buchi y Maria anto e ora ey mi mester cuestiona esaki severamente. Aña pasa Parlamento a introduci un aumento di 2% BBO\BAZV na aña 2014.

Nos por a mira con e fraccion di AVP a defende esaki y cu e tabata necesario pa salba e fondo di AZV. No solamente e tabata un otro reunion sin contenido di parti e fraccion berde pasobra ta e mal uso di fondonan di AZV ta e problema pero e tabata un blunder administrativo pa comercio y oficina di impuesto. Gobierno su maneho ta asina malo cu no ta duna su bijdrage manera ley di AZV ta stipula un suma di 124 Mion florin, dus kico e lider di fraccion di AVP a haci cu su funcion di control como Parlamento??? Segun AVP a baha e prima cu e trahador y pensionado tin cu paga cu 1%, pero esaki no ta un aumento den poder di compra. Segun sr. Herde, AZV ta wordo fortifica y ta bira menos dependiente di gobierno. Awor na December 2015 nos a tuma nota cu e placa aki no ta bay directamente pa AZV pero gobierno ta keda cu e placa aki pa sigui derocha placa di pueblo. Ni director di AZV ni e



Raad van Commissaris no ta hik pasobra nan sa cu gobierno no lo tolera oposicion un desaroyo sumamento alarmante pa nos derecho di estado. Sr. Herde ta bay asina leu di bisa cu envez e poblacion local paga e BBO\BAZV, awor e ta wordo paga pa tur esnan cu compra algo riba nos territorio dus turista tambe. No tabata mihor e ora pa ELIMINA BBO\BAZV pa nos pueblo y hinca esaki den un ley unda turista so ta paga, logico esaki lo ta desastroso pa nos economia.

Asina nos por wak con Gobierno di AVP ta braza e belasting indirecto aki di MEP cu nan a demoniza den campaña pa gana eleccion pero awor ta braz'e te aument'e na 3.5%. Tur indicacion di CFT ta muestra cu e lo bay ta mas di 7% dependiendo di e desaster financiero ocasiona pa sr. Eman y su gobierno. No ban lubida e aumentno di AOV anto hisa e edad di pensioen cu 65 ana. Lagando e mercado laboral mas vulnerable pa nos hendenan. E efecto ta bisto cu awor tin hobennan cu a caba school no ta haya trabao un percentahe haltisimo di 28.8% ta esaki Fraccion di AVP no kier acepta anto gobierno menos. Gobierno di MEP di 2007 a introduci

BBO y a recompensa tur sector di nos economia na un manera responsabel. A logra haya den entrada di 2007 te 2009 472 Mion florin anto a usa esaki bek den varios proyecto pa beneficio di nos pueblo pero e gobierno actual di 2010 te 2014 a sa di haya di e post aki 728 Mion florin anto asina mes nan no a pasa placa pa AZV manera presupuesta. Un gobierno sin etica y manipulador den dia cla.

Solucion: Nos di Movimiento Electoral di Pueblo bao liderazgo di sra. Evelyn Wever - Croes a bisa cu mester recobra bek intergridad den gobernacion. Mester bin cu leynan drechi pa screen politico, ley pa regula financiamiento di partidonan politico y tambe control estricto riba integridad di gobernantenan y un Ministerio Publico cu ta investiga gobernantenan sin miedo. Nos pueblo merece un mihor cuidio medico mester haci hopi mas na un manera transparente y sin lubida mantene costo na nivelnan aceptabel. Mijor maneho di gastonan di AZV, tin hopi vet pa corta. Mescos cu tin normanan financiero den bon gobernacion cu e gobierno aki a ignora totalmente.

Fraccion MEP ta haye importante pa nos tin un plan di accion pa ZIKA



Den e reunion di tratamento di presupuesto 2016 tambe a toca e tema di e virus cu tin mundo completo riba alerta. Ta asina cu den ultimo siman y dianan e virus aki a plama manera un epidemia rond mundo y esaki merece atencion tambe na Aruba. Logicamente e desaroyo rond di esaki tin tur hende preocupa y tambe fraccion di MEP.

Durante presentacion den e prome tanda fraccion di MEP a entrega un mocion relaciona cu e virus aki. Nos ta haya importante si encaso e virus yega aki, pa Aruba tin un plan di accion pa contra aresta e virus ZIKA. Pa e motibo aki a urgi e Minister pa tuma accion y pa e por bin informa Parlamentop riba e desaroyo preocupante di e virus aki.

ECW
R743

Motie nr. 2
OV nr. 10
27 januari 2016
fractie MEP

STATEN VAN ARUBA
Ingek. 27 JAN 2016
Volgnr. JS/402/15-16

MOCION

Parlamento di Aruba, den reunion publico dia 27 januari 2016

Considerando cu:

- Mundo henter ta den alerta pa e virus "Zika";
- A wordo duna un alerta pa turistanan femenino cu ta na estado evita biaha pa islanan den Caribe;
- Parlamento di Aruba ta preocupa pa e desaroyo aki.

TA DICIDI:

- Di urgi Minister encarga cu salud pa presenta un plan di accion pa contra-aresta e posibel presencia di e virus aki y presenta esaki na Parlamento dentro di 3 siman.

Y ta pasa pa orden di dia.

(Signatures)

PUEBLO A HAÑA SU PEN BEK

Pa kualkier informacion
solodipueblo@gmail.com
of
585-9500

 Awg. 50.00	 Awg. 50.00	 Awg. 125.00	 Awg. 75.00	 Awg. 100.00
	 Awg. 50.00		 Awg. 85.00	 Awg. 80.00

The 2016 PLUS SIZE fashion story ! Amazing styles at Great prices.

TRASH

KFC ta ofrece servicio di bestelling pa gruponan grandi y chikito durante e ultimo dianan di Carnaval!!!

Carnaval 62 ta yegando su last lap y pesey KFC ta recorda tur grupo di famia y di carnaval cu KFC tin e buckets y barrels pa acompaña bo durante e ultimo dianan di Carnaval. Tur grupo di famia, amistadnan y gruponan di carnaval cu ta super druk trahando riba nan disfraznan, carosa, trailer of ta bin huntu pa disfruta di carnaval y actividadnan grandi durante e siguiente dianan por yama libremente na number di celular 594 - 6393 of email kfc.ngeerman@hucor-holding.com pa haci bo bestelling.

Yama awe mes, haci bo bestelling y buske

na bo KFC restaurant faborito. KFC kier recorda comunidad cu e galiña di KFC por wordo acompaña cu diferente acompañante manera: batata hasa, coleslaw, potato wedges, mashed potatoes, gravy, seasoned rice, maishi y biscuit. Yama of pasa awe mes y disfruta di bo articulo favorito riba e menu di KFC.

Por ultimo comunidad di Aruba completo ta bon bini pa bishita KFC su restaurantnan localiza na San Nicolas y Santa Cruzcu nan servicio di drive thru, Palm Beach y Oranjestad. Pa mas informacion sigui nos riba www.fb.com/kfc.



RESULTADO DIAHUEBS 28 JANUARI DI MERDIA



Sorteo # 1401

7991

3164

2214



Sorteo # 1401

5783



Sorteo # 1401

5699

Libra

RESULTADO DIAHUEBS 28 JANUARI DI ANOCHI



Sorteo # 5785

7455

6466

8183



Sorteo # 4829

6845



Sorteo # 3588

1182

Scorpio

LOTTO DI DIA 04-10-12-16-22

DIARIO

0866

5388

1800

SUPER 4

CORSOU

9776

6271

5725

3068

JAN DE RUIJTER

OVERPEINZINGEN

Vast columnist voor Solo di Pueblo, Jan de Ruijter, schrijft elke week een column in deze krant waarin hij het wanbeleid van deze tijd overpeinst en vergelijkt met de glorie van Aruba in het verleden. Voor commentaar: janderuijter@yahoo.com

HOE DE REGERING MIKE EMAN II GAAT VALLEN..... D-DAY IS COMING

***Apathie; apathisch of berustend zijn**

Zoals ik u verleden week al schreef wordt de ellende en armoede op Aruba niet alleen de Anti Volks Partij (AVP) verweten maar op heel Aruba hoor ik dat het ook de voltallige oppositie op Aruba kwalijk wordt genomen dat er niemand proactief de leiding neemt om de regering Mike Eman II naar huis te sturen. Politici wachten op de bevolking en verwijten de bevolking apathie maar de bevolking verwacht van leiders dat zij leiding nemen en de bevolking beschermen tegen verder onrecht, fraude, corruptie, vriendjespolitiek, friends & family & sponsors & lovers beleid, wanbeleid, politieke vervolging, angstcultuur en intimidatie. Is de bevolking apathisch of zijn het de politieke oppositiepartijen of alles wat oppositie is die apathisch zijn. Ik geloof niet dat je de bevolking mag verwijten dat zij apathisch of berustend zou zijn. Burgers kijken uit naar hun politieke leiders en naar hun vakbondsleiders om hen te vertegenwoordigen, voor hen op te komen, hen te beschermen tegen wanbeleid en onrecht. Zo oud als de allereerste samenlevingen zijn van de oude oermens en voor hen, in de dierenwereld, zijn er leiders geweest en van leiders wordt leiding en bescherming verwacht. Dat is één van de fundamentele kenmerken van een gemeenschap, van een samenleving. Er zijn altijd vanaf dag 1 van de geschiedenis van de mensheid, leiders geweest die voorop gaan, die leiding geven, die de anderen inspireren en tot daden aanzetten.

De ontploffing moet komen

Iedereen op Aruba weet dat de ontploffing

moet komen. Burgers, vakbondsleiders, de zakenwereld, zelfstandigen, onderwijzers, advocaten, medici,

rechters, ondernemers, iedereen met een klein beetje verstand weet en voelt aan dat deze situatie op Aruba niet kan voortduren en niet kan en niet mag doorgaan tot september 2017. En dat de regering dus gaat vallen.

Met de dreigingen van het Amerikaanse Department of Justice naar Roberto Rincon en de betrokkenheid van meerdere ministers bij wat Rincon misdaan heeft, van de medidas die CAft uitgevoerd wil zien, van de strafrechtelijke zaken tegen ministers Oduber, Hooyboer en Croes, met de strafrechtelijke zaken tegen andere ministers die nu in voorbereiding zijn, met de gespannen relatie tussen Nederland en Aruba, met de onderlinge verdeeldheid binnen de regering, met het komende onderzoek naar het hedging schandaal, EN MET HET REFERENDUM OP KOMST met de eis van Nos Ta Aruba om een referendum te houden op Aruba om de regering Eman II naar huis te sturen.....dacht u nu echt dat deze regering blijft zitten tot september 2017? Kom nou, u weet wel beter, dat is 100 % uitgesloten. Deze regering gaat naar huis!

Maar hoe?

Om de regering naar huis te krijgen onder de hierboven beschreven druk, zal alles en iedereen die zich oppositie voelt zich moeten verenigen met maar één gemeenschappelijk doel: het ten val brengen van deze regering. En elk ander belang of onderling geschil zal daarvoor moeten wijken. Iedereen die aan zo'n eenheid wil deelnemen zou dat zonder condities moeten doen. Er moeten geen condities voor ministerschap gesteld worden, zo van "ik wil wel helpen maar dan moet ik

minister worden". Een volgende regering krijgt maar zeven ministers dus zo'n eis kan nooit gehonoreerd worden. Gelukkig zijn er nog heel veel andere manieren en posities om je kennis, ervaring en creativiteit ter beschikking van Land Aruba te stellen en om actief mee te doen met de verwerking van een betere toekomst voor Aruba en alle burgers.

Goed en fatsoenlijk bestuur for once and for all

Één ding moet voor iedereen voorop staan; goed en fatsoenlijk bestuur of zoals dat in ambtelijke beleidstaal heet, deugdelijk, integer, transparant en rechtvaardig bestuur. En men mag het ook Good Governance noemen. Als iemand het daar niet mee eens kan zijn, hoeft hij niet mee te doen aan de komende nationale eenheid maar we gaan er natuurlijk vanuit dat iedereen het daarmee eens is en dat wil realiseren. Fundashon Nos ta Aruba gaat alles en iedereen die in de oppositie zit nogmaals benaderen en ik hou alle lezers op de hoogte van de vooruitgang. We gaan iedereen oproepen om aan nationale eenheid mee te doen en vooral om mee te doen aan onze eis van een referendum revocatorio om de regering Mike Eman II naar huis te sturen omdat zij geen legitimiteit meer heeft. Deze regering dient de belangen van de bevolking en het algemeen belang van Aruba niet en dus moet deze regering tussentijds beëindigd worden.

*D-day is gepland, D-day is coming.....
U zult het lezen in Solo di pueblo.
Wordt vervolgd.

Polis a topa cu hobennan humando marihuana na Eagle Beach

Diarazon, pa 9'or y 50 di anochi, durante patruya na altura di Eagle Beach, polis por a mira un auto di marca Daewoo Lanos color berde, para bao di un palo. Den e auto tabata tin 3 persona sinta aden y tabata hole sterki na marihuana. E conductor a duna polis un sigaria di marihuana. Fuera di esey el'a duna permiso pa por ristra den e auto. A bin haya un tas chikito preto cu un saco cu marihuana den dje: un lighter, algun vloeit y un grinder. Tur e atributonan aki a wordo confisca.

Hoben a core scooter sin stop treciendo trafico na peliger

Diarazon, pa mas of menos 6'or y 15 di atardi, durante patruya riba bicicleta, polis por a nota na altura di Diamonds International, un scooter cora coriendo den direccion pariba, riba un velocidad halto y tabata pasa auto pa loco y no tabata stop pa hendenan cruzando caya. A bin para e scooter na altura di ATA y e conductor a keda deteni. E conductor J.Y. no tabata tin rijbewijs, ni tampoco no tabata tin documentonan di e scooter. Esaki a wordo confisca y hiba Balashi. Un proces verbal a wordo traha pa e chauffeur irresponsabel aki

TRASH BY RONCHI CU FABULOSO COLECCION DI MODA PLUS SIZE.

Estilonan fabuloso pa Carnaval 62 ya caba ta den boutique



Moda pa e dama cu mas curva sigur ta ricibi tremendo atencion na 2016. TRASH BY RONCHI ta specializa den e estilonan cu mas ta destaca pa hende muher di tur size. Moda internacional ta presenta propuestanan y tambe sugerencianan pa e ser femenino. Ronchi De Cuba, director creativo di e boutique, ta selecciona e piezanan mas adecuado pa Aruba y asina ta lanza e diferente coleccionnan di plus size pa nos pais. "Tendencia tin hopi.

Nos trabao na TRASH ta pa

selecciona e piezanan mas impactante y na e prijsnan mihor posibel. Nos tin e ideologia di cu moda plus size mester ta sinonimo na tendencianan di moda internacional pero si adecuado pa island living.

E industria di plus size fashion ta interesantisimo mirando cu bo ta ricibi un range di estilo.. algun adecuado y algun full fout pa e dama cu mas curva" ta locual diseñador di moda Ronchi De Cuba ta duna di conoce. E colornan manera royal blue, electric blue, seafoam blue como

tambe hot pink y geel ta domina tendencianan di moda actualmente. Jeans, den tur pieza di moda, ta un highlight actualmente. Tambe tononan manera skin pink, camel y oranje ta haci nan entrada ariba pasarelanan internacional pa 2016. E boutique ta habri di Dialuna pa Diasabra di 10'or di mainta te 7'or di atardi y ta situa na Sibelius Straat # 8. Pa mira mas di e coleccion di TRASH BY RONCHI por bishita nan pagina ariba Facebook www.facebook.com/TRASHBYRONCHI



Segun Parlamentario di MEP, sr. Chris Romero:

Minister President no tin e mas minimo idea di kico ta sostenibilidad

Minister President constantemente ta papia di sostenibilidad, sin tene cuenta cu loke ta necesario pa un desaroyo ta realmente sostenibel, ta e complemento di 3 factor: sociedad, economia y medio ambiente. E tres factor nan aki ta vital pa haci un pais sostenibel. Pero lamentablemente a keda demostra cu pa sr. Mike Eman e unico aspecto di sostenibilidad cu tin un importancia relevante ta e nomber, pasobra obviamente e no ta considerando Aruba su sociedad, economia, ni medio ambiente den su supuesto maneho sostenibel.

Si nos tuma e Parke di Molina di biento na Uirama como ehempel, nos por conclui firmemente cu e ta un proyecto cu no tin ningun tipo di logica su tras.

E tendencia di prijs di crudo internacionalmente ta muestra cu e lo keda abao pa un periodo basta largo ainda. Y sabiendo esaki, ainda Gobierno ta insisti cu e proyecto di molina di biento na Uirama mester bira un realidad. Cu otro palabra, esaki ta

bay ta un di dos hedging cu consecuentemente lo bolbe costa pueblo miyones di florin.

Mi por a tuma nota cu algun sostenedor di Gobierno ta argumenta mi ponencianan pa cu e tematica aki, bisando cu nos na Aruba tin e deber di yuda salba mundo. Argumento cu den mi opinion no tin validez, pasobra si e Gobierno aki no tin e capacidad di salba su mesun isla, ta con e lo por bay salba mundo?

Pa ami e ta hopi mas logico y conciente pa cuida y salba nos isla prome,

y laga esey sirbi como ehempel di sostenibilidad pa mundo henter. Sr. Mike Eman ta bendiendo un soño berde cu el a yama 'sostenibilidad', pero convenientemente nunca a splica nos kico ta e complementonan necesario y obligatorio pa yega na un desaroyo sostenibel.

E prijs di Mike Eman su soño berde ta costando nos pais demasiado! Na Aruba nos ta pagando



un hedging inhuisto danki na e briyante idea di Ministernan Eman y De Meza. Obviamente nan no a pensa riba un maneho sostenibel ora nan a dicidi di hedge 100%. Aki nan a faya 1 di e 3 principionan di sostenibilidad; economia. Nos pueblo ta luchando y sufriendo pa por logra paga e prijsnan excesivamente halto di awa cu coriente. Aki Mike Eman a faya e di 2 principio di sostenibilidad; sociedad.

Obligando bo pais pa

haci sacrificio pa paga tarifanan sumamente halto di servicionan basico, nunca lo tin espacio den un maneho sostenibel.

Partido AVP ta alaba nan mes bisando cu nan a drecha infraestructura di Aruba. Y si nos tira un bista rond, di berdad nos lo waak caminda- y edificionan bunita, pero na mes momento nos ta mira un comunidad yena cu pobreza y tristeza.

Si esey ta e costo cu nos

tin di paga pa AVP logra su soño berde, e ora ey mi lo busca cualkier otro opcion pa scapa nos pueblo di sufrimento. Den mi opinion, e ser humano mester tin prioridad riba cualkier reconocimiento personal. Tin un gran cantidad di persona aki na Aruba cu tur luna mester haci e scogencia entre cumpra cuminda, of paga paga awa cu coriente. Ta e famianan aki mester ta nos prioridad principal como politico. Na momento cu nos por sigura cu no tin famianan den sufrimento y pobreza na Aruba, e momento ey nos por cuminsa discuti con nos ta bay salba mundo.

Nos tin cu salba nos mes prome pa asina nos por salba mundo, esey mester ta e orden di prioridad corecto di un Gobierno pa cu su pais.

Na Aruba nos a yega na un punto cu show y palabranan bunita no ta valido mas. Awor nos a yega na un punto caminda nos pueblo mester solucion inmediato pa tur e problemanan social cu a cuminsa destrui nos esencia Arubano di paz y tranquilidad.

Homber a purba bende droga na turista

Diarazon, pa mas of menos 12'or y 21 di mey anochi, Central di polis a meld cu e conocido bendedor di droga, E. Smith, tabata ofrece droga na turista. Central a indica cu e auto di Smith ta un Nissan color blanco, na altura di e tienda di "I Love Aruba", tabata staciona. A topa cu e auto, pero esaki tabata na lock. Na altura di Occidental, a topa cu Smit, pero durante ristramento, no a topa cu nada parecido na droga. Smith a wordo atendi y cori for di e sitio.

Ladronnan a drenta Colegio Hilario Angela

Diarazon, pa mas of menos 1'or y 29, Central a dirigi patruya na Colegio Hilario Angela, na Weg Fontein, pa un caso di kiebro.

A papia cu e cabezante C., kende a declara cu desconocidonan a drenta un biaha mas den e school. Keha a wordo tuma.

Desconocidonan a bay cu meter di awa for di cas

Diarazon, pa mas of menos 5'or y 6 di mainta, central di polis a dirigi un patruya den Koningstraat den cuadro cu un situacion sospechoso.

Polisporamiracudesconocidonan a horta e meter di awa di un percela. Central a wordo poni na altura.

Ladroncia den Cosecha

Diarazon, pa mas of menos 9'or y 19 di mainta, Central a dirigi patruya den Zoutmanstraat pa un caso di ladroncia. A papia cu gerente di e negoshi "Cosecha Craft Design & Heritage", caminda cu el'a declara cu el'a laga tur cos bon cera e dia prome pa 6'or di atardi. Ora cu el'a yega mainta, cu el'a bay habri e tienda, el 'a ripara cu un di e portanan no ta na yabi. Durante control, tur cos tabata na ordo. Ora cu el' a yega na e caha, el' a ripara cu algun florin y dollar a wordo horta. Keha a wordo tuma.

SETAR tabata hopi presente y activo den Carnaval 2016



E fin di siman cu a pasa tabata uno druk pa e pueblo di Aruba y super exitoso pa SETAR N.V. den cuadro di

celebracion di nos dushi Carnaval. SETAR tbata presente na tur actividad carnavalesco.

Diabierna anochi, durante e eleccion di Reina di Carnaval y Señora Carnaval di Aruba representantenan



di SETAR, Shahaira Labad y Ronica Lopez a haci entrega di e premio "Queen of MAS" na tanto Anaïsa Orman representando Colegio EPI y Veronica Kelly representando Lite Life Medicab na Aruba Entertainment Center.

Diasabra anochi SETAR tabata presente na e gran festival di Tumba unda cu a reparti gadgets pa e publico presente pa asina apoya nan participante favorito. SETAR a duna e publico e oportunidad pa saca un potret na e photo-boot di SETAR hunto cu modelonan of cu algun material di SETAR pa asina por upload e potret riba Facebook cu #SETARNV y asina a participa pa gana premio(nan) di SETAR e anochi aki tambe.

Diadomingo, SETAR N.V a forma parti di nos parada di mucha na San Nicolas cu un bunita roadpiece cu a desplega e colorman blauw di e "look" nobo di SETAR su logo. E roadpiece di SETAR a subi caminda y habri parada conhuntamente cu un grupo di brassband y cu tur figuranan importante di Carnaval 62.

Cu e slogan di "Creando Conexion" SETAR ta perfilando su mes den diferente actividad rond di Carnaval y durante e temporada di Aruba su Carnaval 62.

SETAR N.V. ta sumamente orguyoso pa aporta un biaha mas na nos Carnaval y na nos cultura.



Caso Insure 2 Study ta keda corupto!

Awor Michelle kier grita contra nos corant? **SOLO a gana Michelle den corte y dicon e no a bay den beroep?**

Stop di sconde mane cobarde den parlamento!

Diahuebs mainta a toca turno na Michelle Winklaar pa defende su presupuesto di 2016 den parlamento di Aruba.

Den su disertacion e Minister a tuma algun minuut pa ataca nos corant.

E dama a papia un hala di coy sokete di nos corant y te hasta a bay asina leeuw pa yama nos corant pa "riool-journalistiek".

Tabata cu masha asombro cu nos corant a tuma nota di e expresion aki haci dor di Michelle.

Ela tilda nos corant di ta forma parti di un modus operandi di Partido MEP.

Reaccion di nos corant:

Nos no ta compronde ta kico lo por a pasa den cabes di Michelle Winklaar.

Acaso cu Michelle a lubida cu nos corant a gane dilanti huez? Desde December 2014 nos corant ta señalando cosnan incorrecto cu a cana pa cu seguro pa studentenan na Hulanda cu e compania Insure 2 Study.

Michelle a hiba nos corte haciendo un demanda pa nos rectifica tur nos alegacionnan contra dje. Na luna di Mei 2015 a bini un sentencia, unda Huez a duna Solo di Pueblo RAZON, unda nos corant NO mester a rectifica net nada contra di e minister. Peor ta cu huez mes ta considera cu Michelle debe nos corant contesta.

Porcierto e contestanan aki, hamas y nunca ela manda pa nos.

Riba dia 6 di Mei 2015, Michelle a declara cu e lo bay den hoger beroep contra di nos corant. Nos a



sinta warda, pero te cu awe no a bini net nada. Cu otro palabra despues cu e minister a perde su caso, ela dicidi cu e NO ta bay den beroep pa asina laba su imagen, y awor e kier para lastra nos den parlamento di Aruba?

Nos ta den un estado di derecho unda cu nos corant tin e deber di vigila y controla Gobierno. Na



December 2014 nos a haci varios pregunta. Nos a manda Michelle un carta unda nos a bolbe haci pregunta.

Te cu dia di awe, Michelle muestra cu e ta un minister cu ta gusta sconde cos.

Awe Michelle ta exige respet pa su famia? Acaso partido AVP a respeta famianan di otro?

Michelle a lubida con su coleganan di AVP ta lastra mama, tata, ruman di otro politico? Ta cu cuanto midi Michelle ta midi anto?

Nos ta keda para ariba cu e cosnan NO a cana bon den e destaho pa seguro pa estudiante. E studentenan a bay atras den cobertura y nan tin un carnet di seguro cu no ta ni wordo reconoci na Hulanda.

Nan mester paga cash pa despues bay roga na seguro pa nan haya nan placa bek.

Loke Michelle tabata falta pa bisa den parlamento ta cu e "riool journalistiek" a gane den corte y huez a rechasa su demanda!

E storia no ta caba aki, e lo sigui!

Muchanan a spanta ora a tende un pareha ta pleita riba caya

Diarazon atardi un famia cu tabata pasando den auto na Engelandstraat a tuma nota di un pleito formal andando riba caya. Tabata tin 3 mucha den e auto di e famia y nan a spanta asina hopi cu e muchanan a cuminsa yora. un tipo di actuacion asina parehanan mester evita riba caya. E muchanan a keda tur traumatiza!



"CANIMI PA MI CANIBO" DEN MANEHO FINANCIERO DI HOSPITAL?



UPP a bin ta denuncia pa algun tempo caba e falta di transparencia den gobernacion na Aruba, pero parce cu e mal custumber cu e gobierno a sembra, a cay den tera fertil cerca e sector priva, na unda directa- of indirectamente gobierno ta meti aden.

Ya caba nos a publica riba e forma cu e director di WEB a wordo nombra sin cu un solicitud habri a tuma lugar. Tambe a haci mencion di e rol cu cierto miembronan den e hunta di comisario di WEB

ta riba payroll di ATCO/ECOTEC, y a aproba un deal lucrativo cu ATCO/ECOTEC a cera cu WEB.

Gobierno di Aruba ta hunga un papel importante den maneho di nos unico hospital pa medio di AZV y tambe pa medio di nombracion di representantenan di gobierno den e hunta di supervision di hospital.

Den e hunta di supervision anterior a nombra casa di un minister - cu ta gerente/doño di un compania di seguro -

como representante di gobierno, y den e hunta actual a nombra un ex-director di un banco como representante di gobierno.

Coincidencia di bida ta cu e gerencia actual di hospital a haya ta necesario pa cera un contract nobo di seguro cu juist e compania di seguro di e miembro di e hunta di supervision anterior.

Tambe a cera un "spaarfonds" pa e trahadornan di hospital cu e banco di e miembro actual di e hunta.

Aki nos ta papia di Nagico cu su gerente sr. Hooyboer y Arubabank cu sr. Edwin Tromp.

Den mi concepto aki mester papia di conflicto di interes, pasobra mi ta supone cu e gerente di Nagico lo ta bon na altura di e situacion financiero di hospital, y tambe lo tin un bon contacto cu e director financiero di hospital.

No ban lubida cu sr. Jan de Ruijter ta meti den un proceso pa cuestiona introduccion di e seguro pa studiantenan na Hulanda, y na unda e nomber di sr. Hooyboer tambe a cay.

Mescos mester considera e rol di sr. Tromp, cu te asina leu cu mi sa, ta fungi ainda como consehero di Arubabank.

Pues no ta un miho deal ta importante, pero e amistad, lazonan familiar y/o bo disponibilidad pa haci loke gobierno kier, ta mas importante.

Lo tin hende cu lo puntra nan mes si mi no ta exagera cu mi criticanan y mi suposicionnan di posibel corrupcion, pero comprendemi bon: mala maña ta dificil di kibra, y awendia na Aruba mala maña a hasta wordo halsa como algo normal, na unda ta legalisa actonan cu den pasado no lo a waak luz di dia.

Hospital a para bira un circuito cera pa tur esnan cu ta haña ta necesario pa probacha di placa cu lo mester a wordo dedica pa mehora e cuida medico.

Ya caba tin basta pregunta pa cu e forma cu a otorga e proyecto di renobacion/expansion di HOH. E minister a demostra di no sa maneha e cartera di salubridad, y parlamento ta cera wowo pa e decadencia den salubridad.

Y ta hopi straño cu ni e sindicato di WEB, ni esun di HOH, no ta bisa net nada di e forma di proceder aki.

E mala maña di "canimi pa mi canibo" ta parce di ta hopi contagioso, y cu ta contagiando hopi hende y/o instancianan cu tin como consecuencia cu al final ta nos pueblo atrobe lo mester bay paga pa esaki.



***Permanent
Make Up?***
***Dilailah
Beauty Clinic***
Tel: 856-7272

Permanent Make-Up

E solucion pa bo cejanan

- *Cejasnan dañá of mal forma*
- *Esnan cu no tin cejas*
- *Cejasnan cu colornan cora, biña, berde etc.*
- *Tambe eyeliner y lipliner*

*Nos tin e solucion pa bo.
Cada servicio ta den forma personaliza .
Sin dolor y no ta hincha den un ambiente relajante.
Mas di 15 aña di experiencia .*

*Tambe nos ta drecha cejanan cu :
Waxing, pincet y blade den forma unico,
Cu ta cuadra cu bo cara.
Yama awe mes na 730-3327 /586-7272 nos ta wardabo
cu un sonrisa. Consulta ta gratis.
Na: Dilailah Beauty Clinic
Noord # 82 den Centro Comercial Noord
patras di Botica Noord*

TA BENDE

**Cas na Noord, 710 m2 terreno priva, 3
kamber, 2 banjo, Afl. 450.000,--.**

**Oranjestad, 3 kamber, 2 baño y 2 apts.,
Afl. 390.000,--.**

**Santa Cruz ku 2 apartamento, terreno
priva, 525 m2, Afl. 350.000,--.**

**Cas den naturaleza, Mahuma, terreno
propiedad, 1.402 m2, Afl. 250.000,--.**

Yama 5937118

of email wetronv@gmail.com

Minister Paul Croes a defende maneho y presupuesto di su Ministerio na Parlamento



Riba e di tres dia di tratamento di Presupuesto Nacional 2016 den Parlamento, tabata turno pa e Ministerio di Asuntonan Social, Hubentud y Labor pa argumenta e recursonan rekeri pa su maneho den e aña actual. Tumando su debido tempo, cu argumentonan di bon base y cu un siguridat refleha den su stem, asina

Minister Paul Croes a defende e presupuesto di su ministerio. Ademas di duna un splicacion amplio di e obhetivonan riba tereno social, laboral y pa hubentud den 2016; Minister Croes a contesta satisfactoriamente tur pregunta haci pa miembronan di tur fraccion den Parlamento.

Minister Paul Croes a



cuminsa pa reconoce e trabou concreto, conciso y obhetivo di parti di mayoria Parlamentario, mientras cu otronan a opta pa purba, sin exito, pa crea polemica. Sin distincion, e mandatario a percura pa tur miembro di e maximo organo estatal di nos pais a haya nan contesta. Posteriormente a defende fuertemente e vision,

strategia y trabou cu su Ministerio trece dilanti. Contrario na un 'Ministerio Pret' of di pretpakket, e mandatario ta tuma cada un di su carteranan hopi na serio.

For di asistencia pa situacionnan social y esnan cu incapacidad te na desaroyo integral di formacion y potencial di nos hobennan, sin laga afo

e importancia indudabel di un mercado laboral sano den e economia di un pais; e Ministerio bou encargo di Paul Croes ta responsabel y ta traha pa bienestar di e gran mayoria di poblacion di Aruba.

Algun punto resaltante durante e turno di Minister Croes na palabra den Parlamento tabata su envolvimento den proceso di negociacion pa reapertura di refineria. Entre otro, e titular di Labor a sigura cuponan pa trahadonan local. Otro tabata e reintegracion di ciudadanonan riba bijstand y personanan cu limitacion den e forsa laboral.

Tambe a contesta pregunta tocante e proceso andando pa asigna un director nobo pa Departamento di Asuntonan Social y tambe e programanan exitoso pa hubentud manera Feria Social y Leerwerktraject cu ta ripiti den 2016. Di e manera aki Minister Paul Croes a duna cuenta di su presupuesto demostrando e transparencia di su maneho.



Yos Septic Tank Service

Chica pos y habri tuberia Pa un bon servicio y mas informacion tuma contacto cu Nena Dirksz na 7482689 of Jose Dirksz na 5666144 Paradijs #09 - Oranjestad, Aruba.

Prome cu bo cera telefon, nos ta para dilanti bo cas! Mas rapido cu YOS no ta existi!

Ta Busca

Samsung Galaxy S5 mini
nobo nobo pa afl.550.00

Pa mas info jama 5940435

Ta busca pa cumpra

Suzuki Carry
call: 5694343


TA BENDE

BUICK REGAL 1996

Yama 593-7118

Partido ABO:

Mientras mundo ta papia di un Epidemia Pandemico, nos gobernantenan a bira 'sordo mudo' atrobe



Tur dia medio internacional y algun local, ta informa riba e desaroyo di e virus Zika y e menasa cu esaki ta forma pa humanidad. Ayera, diahuebs, gobierno Mericano a manda un advertencia fuerte pa 'World Health Organisation (WHO)' di Nacion Uni, pa pone e recursonan necesario disponibel pa combati e virus aki, manera e no ta trata mas di un problema

local, pero uno mundial. Hasta nan ta papiando awor di un Epidemia Pandemico.

A pesar di tur e atencion internacional, den medionan local y cu partido ABO ultimo dos siman ta pidi atencion lihe pa e menasa di e virus Zika, nos gobernantenan ta prefera di sigui cu nan shownan di manipulacion y gaña rabia/muri.

E no por ta posibel cu nos gobernantenan no a tende, mira of scucha algo di e menasa di e virus Zika. Dus dicon esaki no ta haya atencion, manera tur otro gobierno responsabel ta haci? Atrobe pueblo tin cu warda te ora e baca a hoga, pa nos gobernantenan core bin despues cu mas show y comisionnan? Otro prueba cu nos gobernantenan tin un 'disconnect' formal cu e pueblo, su necesidad y su prioridad. Cada biaha e ta bira mas obvio cu nos gobernantenan no kier traha pa e bienestar general.

Ni sikiera nan a organisa un otro show, pa asina laga pueblo kere cu e tema di e virus Zika, tin nan atencion. Pero tempo pa organisa un show di 'kiss and make up' entre gobernantenan, si tabata por. Tempo pa muestra con emocional y tristo un ministro tabata cu e fayecimento di un coordinador, si tabata por. Tempo pa organisa show

pa un otro presupuesto laat, ficticio y yen di medida, si tabata por. Anto dicon nunca tin tempo pa pueblo su interes? Kisas ta pasobra cu nos gobernantenan kier laga pueblo sufri atrobe intencional, pa asina despues hunga e 'Santo y Salvador'? Kisas ta pasobra den e asunto aki, ningun hende por bira miyonario cu un 'finder's fee'? Of kisas pasobra den e caso di e virus Zika, caminda liderazgo serio ta rekeri, nos gobernantenan tin miedo pa pueblo mira cu nan ta carece di esaki? Ta p'esey nan a scoge pa bira 'sordo mudo' atrobe? Ta p'esey nan a prefera pa ofrece pueblo atrobe e disco raya fiesta y show, pa asina laga pueblo kere cu e virus Zika ta un peligro pa henter mundo menos Aruba?

Aruba merece miho y p'esey nos di partido ABO lo keda bati riba e tema aki, te ora cu gobierno cuminsa pone atencion y e fondonan disponibel pa

controla e transmision di e virus Zika riba nos isla. Gobierno por cuminsa cu fumigacion, pa elimina e sangura Aedes, cu ta transmiti no solamente e virus Zika, pero tambe esunnan di Chikunguya y Dengue. Esaki ta un medida practico, efectivo, barata y cu lo elimina 3 peligran pa nos sociedad. Pueblo no mester di un otro comision pa studia e materia prome. Pasobra e virus Zika no lo bay warda te ora e comision aki bin cu recomendacionnan cu ta conoci y cu a wordo aplica caba den pasado. Gobierno tin cu actua awor p'asina evita mas drama familiar, social y economico. Gobierno, please pone despues di 6 aña, e interes y e bienestar di e pueblo aki na prome luga. Stop di gaña pueblo cu Aruba ta 'Disneyland' y cu ta gobernantenan so sa kico ta bon pa e pueblo! Den e asunto aki di e virus Zika, no tin luga pa wegá!



Cuña a maltrata dama na estado lage benta abou



Diaranson anochi na Avenida Papa Juan Pablo II ex Rongweg un señora su cabes a flip pa motibo di un problema y a maltrata un otro señora na estado y dal e na su bariga. Na yegada di patrulla a topa cu un señora na vloer ta keha di basta dolor na curpa y el a duna di conoce cu su cuña a maltrate y dal e tambe na su bariga. Ambulance a acudi na e sitio pa atende cu e vitima y polis a consehe pa haci un denuncia na recherche.



Scolnan basico di bishita na Commandant Generaal Abraham de Veerschool



Riba dia 14 di januari 2016 e scolnan basico tabata di bishita na Abraham de Veerschool (AdV) relaciona cu e aña escolar 2016-2017.

Pakico un exposicion? Esaki ta pa duna e muchanan un bista di loke nan lo bay haya na scol secundario, specialmente na AdV. Nan a haya oportunidad di sinta den diferente klas y cera conoci cu e maestronan. Tambe nan a haya e oportunidad di haci experimento den e.o. e materia di N&T, di mira di cerca loke nan lo haya como materianan den Ciclo Basico 1, conoce e scol, y haci pregunta pa

asina nan ta miho prepara pa scoge un scol.

Nos (of AdV) tabatin e honor di ricibi e siguiente scolnan basico: Colegio Hilario Angela, Commandeur Pieter Boerschool, Prins Bernardschool, Graf Von Zinzendorf, Colegio Cristo Rey, Colegio Santa Filomena, Colegio Santa Theresita y St. Paulusschool.

Mayornan sigur lo desea di scoge un scol cu por duna un calidad halto di enseñansa. Nos como scol publico, ta brinda e oportunidad aki na tur alumno, sin distincion di religion, idioma, color of

rasa.

Nos scol progresivo ta brinda tur esnan cu ta forma parti di nos scol, un ambiente y lugar sigur, unda oportunidad, colaboracion y respet ta na prome lugar, di manera cu tur esnan cu ta forma parti di e scol ta sinti nan mes motiva pa presta y unda ta garantisa calidad di educacion.

Abraham de Veerschool tin e facilidad di dos Maestro Terapeuta (Remedial-Teachers), cu ta encarga pa detecta motibonan di cualquier atraso den e enseñansa di un alumno, pa por atende esaki na tempo.

Nos ta ofrece tambe extra les despues di scol, pa alumnonan cu tin mester di un push cu nan lesnan. Nos Consehero di Scol (schoolcounselor) hunto cu dos trahado social ta atende alumno cu problemanan social-emocional. Nos dos decanonan, ta yuda e alumno haci mihor escogencia di paquete di examen cu lo mester prepara e alumno pa su carera of e estudio cu e lo bay sigui despues.

Nos kier informa mayornan cu entrante 4 di april 2016, nos lo cuminsa ricibi peticion pa inscripcion di e scolnan basico. Pues si mayornan ta desea di

inscribi nan yiu na nos scol, por favor informa e scol basico na tempo di e escogencia di scol, prome cu 4 di april 2016, pa asina por sigura un luga pa e yiu na nos scol.

Nos di Commandant Generaal Abraham de Veerschool no solamente ta ofrece un enseñansa di calidad halto pero tambe nos ta aporta y guia e alumno den asimila (logra) Calidadnan Personal halto pa asina ora e caba scol, e lo sa di contribui na e comunidad di nos Pais Aruba, tanto den su ramo di specialisacion como tambe cu balornan y conducta ehemplar.

E-mail: solodipueblo@gmail.com

“SEMPER NOS LO TIN SUFICIENTE TEMPO, SI NOS SA DI USELE CORRECTAMENTE”

Skirbi pa Ruthy “Lady Ruth” Vrieswijk-Bergen.



Mi a yega di cita e palabranan sabio “Tin un tempo pa tur cos” varios biaha den mi relatonan y awe mi ta accentua esaki un biaha mas. Tin un tempo pa hari, tin un tempo pa yora...y asina mi por sigui menciona mil y un cos cu tin su mesun tempo den balans. Awe Aruba ta tristo cu e fayecimento di un shon di hende cu su sabiduria y alegria henter su bida, aunke e tawata ciego.

Prome cu ela bira ciego ela sirbi nos pais bon, no solamente den gobiernonan di antes, pero pa mi como un simpel Poeta y escritor, ela duna semper mas di su mes den tur cos.

Si bo tawata den un combersacion cu ne, e ta inspirabo, si bo tambe a yega di bai celebra e cumpleaños di Juan Chabaya “Padu” Lampe na cas di Padu, bo a tendele y mirele toca su sinfonia di boca cu hopi smak, cu hopi alegria y asina alegrabo. Nos bon amigo John Booi a usa su tempo semper correctamente. Banda di su bunita esposa Diet, sinta den Cas di Cultura of den Biblioteca Nacional. Esaki ta djies pa menciona algun. Semper nos lo tin

suficiente tempo, si nos sa di usele corectamente ta palabranan sabio di Johann Wolfgang von Goethe. Y ta manera mi ta tende e vos di mi casa Johan bisando mi e mesun cos. Mi ta tendele tur mainta prome cu e bay trabao “Does, lanta riba, no subi cama bek, hasi bon uso di bo dia”. Pero tin biaha mi menopausal moodswings no ta lagami pega sonjo liher, y pa colmo mi bebemento di juice, awa of baileys anochi cu ta ponemi bai urina dos of tres biaha durante anochi.

Ralph Waldo Emerson tambe ta bisa algo interesante tocante “tempo”. Naaaaaah, no e tempo di cuenta di awa ta jobe si of no, pero di e tempo cu nos tin, un dia pa dia, 24 ora tur dia. E ta bisa :” E tempo aki, manera tur tempo, ta un hopi bon, si nos sa kiko pa hasi cu ne”. Lady Ruth a inspira mes ora ! Ta kiko tawata na mi cabez di a bisa mi mes tuma un pausa largo riba facebook y of cu mi actividadnan, aunke mi salud tey cu mi 99.9 porciento ? Ki e un porciento ey a nifica pa mi e momento ey ? Tin otronan cu si ta mas malo y nan ta sigui cococha cu nan salud dia pa dia,



dunando nan Creador danki pa bolbe mira un otro bunita dia nobo mas. Wel, mi a hanjami ta sigui duna danki pa tur tur cos, den tur situacion, bao tur circunstancia, pa con duro e por ta tin biaha y sin sa exactamente kiko lo por pasa cu mi salud. Mi lo sigui bisa cu Dios ta bon, Dios semper ta bon. Siiii, ami ta un di nan cu ta kere cu nos tur tin nos midi di fe y cu nos tur ta aki cu un proposito den bida den nos mesun universidad BIDA.

Wel, tanten cu mi tey anto, lagami asumi mi actividadnan cu semper mi a gusta hasi di curason, entre nan, comparti di

mi talentonan cu nos grandinan. Pasobra “...today well-lived makes every yesterday a dream of happiness and every tomorrow a vision of hope. (from the Sanskrit)...

Den luna di maart tin cu bolbe bai dokter cu e speranza di tende cu cos ta bon. Mientrastanto mi lo sigui enfrenta locual tin cu bin como ups and downs, pasobra no ta tur dia ta mescos. Pero...mi lo bai hasi mihor uso di mi tempo cu mi ta hanja como regalo di Tata Dios y sigui brinda riba bida tur dia !

Den nomber di mi casa y ami, atraves di mi relato,

nos profundo condolencia na lieve mooie Diet y famia y cu John Booi sosega na paz den e reino celestial rondona pa e amor y luz eterno.

Danki John, pa tur locual bo a hasi y duna Aruba ! Awor bo por sigui toca bo sinfonia di boca pa e angelnan den shelo, mandando rayonnan di alegria den cada subida y bahada di solo, mientras e trupial y chuchubinan lo sigui canta nan melodianan di amor pa nos den e palo di calabas ora pasa di bishita y e yuwananan berde sigui drumi den solo riba dak.

Minister Hooyboer lo tene reunion cu SMOA pa clarifica situacion di rector di Colegio Arubano



Minister Hooyboer Winklaar lo tene otro siman un reunion cu e Raad van Toezicht di SMOA cu ta maneha Colegio Arubano riba e situacion rond di e rector actual sr. Hans Timmermans. Minister Hooyboer a wordo notifica door di diferente stakeholders den enseñansa como tambe door di docentenan

y mayornan preocupa riba e ausencia largo di sr. Timmermans, pero no a ricibi notificacion oficial for di SMOA riba e situacion aki. Pesey Minister Hooyboer ta haye na su luga pa yama e miembronan di Raad van Toezicht di SMOA pa un reunion urgente pa asina por clarifica e situacion rond di e rector actual di

Colegio Arubano cu desde December 2015 no a bolbe Aruba. Minister Hooyboer ta spera cu durante e reunion por bin claridad riba e situacion y cu tambe SMOA por bin cu plannan concreto pa e situacion cu a surgi sin cu esaki ta perhudica e organisacion pero primordialmente e alumnonan.

Analisis Financiero ta conclui: Presupuesto di Enseñansa 2016 ta esun mas grandi den nos historia cu 270 miyon florin

A conoce aumento di 28 miyon florin den ultimo 5 año



cu ta e presupuesto di mas grandi cu Aruba conoce. Esaki ta conta tambe cu un aumento di Afl. 5,7 miyon. E area di enseñansa cu conose aumentonan ta den postnan relaciona cu gastonan di personeel, aumento di subsidie, materialnan pa scol, seguridad y expansion di scolnan manera Colegio San Nicolas y SPO.

Banda di esaki a haci un analisis pa loke ta trata e cantidad di estudiante den onderwijs, per cada directiva di scol, pa mira kiko ta e desaroyo di e cantidad di alumno na scolnan di Aruba. Loke a sali afor di e analisis aki ta cu e cantidad di studiantenan a keda hopi stabil durante e ultimo 5 año, pues e mesun cantidad di estudiante durante e ultimo 5 año.

Den preparacion pa tratamiento di presupuesto 2016 den Parlamento di Aruba, Ministerio di enseñansa cohuntamente cu Directie Financien a conduci un analisis di presupuesto y resultado di presupuesto pa e cartera di enseñansa.

A constata cu tanto presupuesto y e "realisatie" a aumenta substancialmente den e ultimo 5 año (2010 - 2015), cada año conosiendo un crecimiento na fondonan publico cu ta destina pa enseñansa na Aruba, un total di Afl. 28 miyon den e ultimo 5 año.

Pa e presupuesto di 2016, e area di enseñansa a conoce presupuesto di alrededor di Afl. 270 miyon,

"E desaroyo aki ta demostra un biaha mas cu enseñansa ta un top prioridad pa nos, no solamente den palabra, pero refleha den e percentage di nos Presupuesto Nacional cu ta dedica na e area aki. Esaki no kiermen cu tur reto por wordo elimina, pero sigur esaki ta sigui reinforsa nos compromiso pa nos enseñansa. Presupuesto 2016 ta regarda e gastonan di operacion, pero ainda ta keda e reto di inversion cu mester wordo haci pa modernisa tur aspecto di nos enseñansa", Minister Hooyboer-Winklaar a remarca.

Servicio pa Fura Matras.....

Busk'e mainta, fur'e y entreg'e atardi mes

Trabao garantisa pa bo drumi mihor

Servicio ta encera

- * Nos ta revisa bo matras completo
- * Tela di bon calidad borda cu diseñonan bunita cu extra foam pa mihor suport
- * E Fabrica mas recomenda pa fura matras

Sabana Blanco 34-A - Tel: 582 2709 of 582 4405 - Fax: 583 9637

Email: sleepcom@hotmail.com Sleep Comfort Aruba

Mr. Andin Bikker di PDR:

Raad van Advies y CFT, a indica cu e nivel di realidad pa loke ta trata e Presupuesto aki, tin un diferencia di opinion di un averahe di 50 miyon florin



Andin Bikker, lider di fraccion di partido Democracia Real, tabata den Parlamento pa tratamento di presupuesto 2016. Segun mr. Bikker, Raad van Advies y CFT, a indica cu e nivel di realidad pa loke ta trata e Presupuesto aki, tin un diferencia di opinion di un averahe di 50 miyon florin.

A señala cu gobierno ta bisa cu tin un crecimiento economico di 2.9% pero CFT y Raad van Advies ta cuestiona esaki, a base di e hecho cu entrada den

gobierno a cay y tin cierto proyectonan cu gobierno ta premira cu ta basa nan mes riba dje. Esey ta un di e preguntanan cardinal cu a haci.

A tuma nota di rapportnan reciente di Banco Central caminda cu ta indica cu entrada di gobierno a cay y a pidi claridad tambe.

Gobierno, si por refresca memoria di publico, fin di aña a pospone e presupuesto pasobra nan ta bezig cu Valero y cu den e proximo simannan,

nan no haya mas claridad con leu ta bayendo cu e reapertura di e refineria, cual ta un di e pilarnan riba cual nan ta basa nan expectativanan pa crecimiento economico.

Di dos aspecto cu a resalta, ta cu a haci pregunta pa loke ta trata maneho di husticia. Cada biaha ta haya un contesta corto y standard cu ta bisa cu falta fondo.

A puntra riba cual fondo falta y cuanto falta y tambe tin un aspecto cu a yega

di propone un amienda na 2012 caba pa e ley di defensa propio.

Fondonan a wordo aloca, aproba na 2012. No por bin bisa cu riba e pregunta eynan falta fondo, pasobra e fondonan a wordo aloca y aproba na e aña ey. Puntanan di preocupacion:

Di tres punto cu a resalta ta cu desde e tratamento di presupuesto aki a wordo posponi, a bin un carta cu nuebe punto di preocupacion di parti di minister Otmar Oduber.

PDR no a haya e carta eynan. Den su concepto ta algo publico pasobra el a yega gobernador y no ta un documento interno, a base di ordenansa di transparencia di organizacion.

PDR kier sa kico ta e puntanan di preocupacion cu a bin di propio seno di AVP pa loke ta trata maneho.

Nafinal di dia e presupuesto no solamente ta cifra, pero tras di e cifranan of base di e cifranan ta maneho y e ora kier sa kico ta e preocupacionnan.

Den e preocupacionnan di loke por a comprende di e expresionnan di e minister, un di nan ta trata e maneho di husticia y infraestructura, riba cual a haci hopi pregunta, mirando e ultimo casonan den corte y expresionnan basta relevante y fuerte cu a wordo expresa den direccion di minister, cu e no ta warda decisionnan di corte y ta bay over pa ehecuta cierto decisionnan y/of ora cu aña habri core pasa cambia akte, pa loke ta destinacionnan di tereno, sin warda decision di corte di casonan pendiente.

Ta normal tur ora cu ora tin un caso den corte contra gobierno, ta warda, respeta, segun e principionan di bon gobernacion y estado di derecho, riba decision di corte prome cu bay over na haci cierto decisionnan.

Accidente dilanti di Talk of the Town



Diarazon anochi a drenta informe di un accidente cu hende herida dilanti Talk Of The Town. Mesora a dirigi tanto polis como ambulance pa e sitio. Na yegada di e patruya a bin compronde cu aki ta trata di un accidente entre un auto y un brommer cu a sosode pa falta di preferencia. Door di e impacto e motociclista a resulta herida. Na yegada di e ambulance, personal a atende e victima.

Dama maltrata den Rondweg a ser atendi y transporta pa hospital



Diarazon anochi a drenta informe di un accidente cu hende herida dilanti Talk Of The Town. Mesora a dirigi tanto polis como ambulance pa e sitio. Na yegada di e patruya a bin compronde cu aki ta trata di un accidente entre un auto y un brommer cu a sosode pa falta di preferencia. Door di e impacto e motociclista a resulta herida. Na yegada di e ambulance, personal a atende e victima.

ARUBA'S TOP 20

DIASABRA DIA 29 DI
JANUARI 2016

- 1/3.. FIGHT FOR ME — FAYA SERENITY
- 2/1.. PERDIMOS EL CONTROL-MR.ROB
- 3/5.. NELL PORTA CANTO-LAURA PAUSINI
- 4/6.. LLANTO DE PASSION-EL ULTIMO DE LA FILLA
- 5/9.. WHEN THE BASELINE DROPS-GRAIG DAVID-BIG NARSTIE
- 6/4.. FORMAT B — DUNCAN
- 7/10.. MIRATE — ANTONIO OROZCO
- 8/11.. BORROWED TIME — FRANCES
- 9/7.. ARMY OF ME == ANASTASIA
- 10/15.. RAST LANE — RATIONALE
- 11/8.. IN2 — WSTRN
- 12/2.. TUR ERES MI AMOR — MR.ROB
- 13/17.. SHOW ME LOVE — ROBBIN SHULTZ
- 14/19.. REAPER — S I A
- 15/12.. I NEED YOU TONIGHT — JAMES MORRIS
- 16/— KEEP MY COOL —MADCON
- 17/13.. SI TE VIENES A BAILAR — EFFECTO PASILLO
- 18/— STANDY BY YOU — RACHEL PLATTEN
- 19/18.. WIDE OPEN — THE CHEMICAL BROTHERS
- 20/—MIRACLE-JULIAN_PERRETTA

HIT 94 FM


SATURDAY'S

4.00 - 6.00 P.M.

Servicio Rapido

Mario's Septic Service

560-3500 / 565-4477



Herido den accidente entre auto y harley dilanti Talk of the Town



Diaranson anochi riba L.G Smith Blvd altura di Talk of the Town a sucede un accidente entre auto y un motociclista cu a resulta herida. Di biaha a despacha tanto unidad

di ambulance y polis pa e sitio. Na yegada di patrulla di trafico a constata cu e kia sportage biniendo for di pariba a bay pa lora na su man robes, cu consecuencia

e motociclista bayendo pa e rotonde a dal den banda patras di e auto. Ambulance a presenta controla e motociclista cu tabata keha di dolornan na cabes y curpa.

Rooster di dokter na Warda IMSAN pa luna di Januari 2016

MA	11	WEVER
DI	12	BODERIE
WO	13	BRITT-CROES
DO	14	de CUBA
VR	15	EVERY
16 – 17 JANUARI		LINDEN V/D
MA	18	GIEL
DI	19	LINDEN V/D
WO	20	LUCHMUN
DO	21	RAMAUTAR
VR	22	TROMP
23 JANUARI		LUCHMUN (Kinder Carnaval
24 JANUARI		LUCHMUN
MA	25	GIEL
DI	26	VIS
WO	27	WEVER
DO	28	BODERIE
VR	29	BRITT-CROES
30 JANUARI		RAMAUTAR (Kinder Carnaval SN)
31 JANUARI		RAMAUTAR

Numbernan di Emergencia:

Central di Brandweer	911
Polis	100
Sanicolas	104
Sta Cruz	105
Oranjestad	102
Shaba	107
Tip Line	11141
Hospitaal	527-4000
Centro Medico San Nicolas	524-8833
Ambulance	
Wayaca	582-1234
Sanicolas	584-5050

BOTICA NA WARDAS

Te cu 30 Januari:

Botica Trupial
Botica Aloe

Hotel no tabata desea turista cu tabata causa molester y dias riba trip pisa



Tabata diahuebs atardi StrandPolitie tabata rekeri na Riu Palace caminda tin un turista femenino cu ta riba un trip pisa pa dos dia caba.

E turista aki tabata causa molester y tin biaha ta haye benta abou unda hende ta cana.

Dos dia cu en tabata worry cu nada ni cu su curpa, y e manager di e hotel a opta

pa e bishitante aki no sigui causa molester cerca otronan, a yama Polis y a duna autoridad su maleta y hibe warda.

E dama no tabata por a cana mes di bou influencia pisa cu e ta y den rol stoel mester a hibe na e auto policial pa bay cune warda.



TA BENDE

1 Circular Saw 12 inch pa 300 fl

1 Finishing Sander 1/4 sheet pa 125 fl

1 Small Angle Grinder 4 1/2 pa 200 fl

Pa mas info jama 5940434

TA BENDE

2 HILTI second hand pa 1800.00 pa tur 2

Pa mas info jama 5940435

TA BENDE

Samsung Galaxy S5 mini nobo nobo pa afl.550.00

Pa mas info jama 5940435

Polis controlando trafico na Rooi Santo na Noord



Diahuebs mainta manera a ser anuncia na varios ocasion, polis lo bay dedica su mes mas na prevencion di accidente y awor ta controla trafico. E pensamento aki no ta malo pero mester enfoca mas riba criminalidad. Awendia tin hopi caso di ladronia, atraco, y hasta tiramento. Pueblo ta fada y harta cu tanto criminalidad y te ainda cuerpo policial no ta mustando e incentivo den prevencion pa frena criminalidad manera si tin pa accidentenan.

Waf di Aruba awe a ricibi 5 barco crucero cu un total di casi 11.400 turista crucero



Awe tabata un dia importante pa APA unda cu for di siman pasa caba tabata prepara pa e yegada di e 5 barconan crucero awe 27 januari 2016.

For di mainta trempan net algo prome cu 6'00or e promer barco a cuminsa drenta y ya pa prome cu 8'or e di cuatro barco crucero ta mara na Containerkade.

1) Zenith di Pullmantur group a drenta pa 06.00or cu 1.188 pasahero crucero cu 590 tripulante. Ta un barco cu a bin di Puerto Limon, Costa Rica y lo bay Santa Martha Colombiay despues pa Cartagena y Colon Panama.

2) Island Princess di Princess Cruises a drenta pa 06.15or cu 2.133 pasahero crucero y 917 tripulante. Ta un barco cu a bin for di Port Everglades y lo bay Cartagena, Panama Canal, Colon, Puerto Limon, Costa Rica,

Grand Cayman y Port Everglades.

3) Celebrity Eclipse di Celebrity Cruises a drenta pa 07.15or cu 2.700 pasahero crucero y 1.243 tripulante. Ta un barco cu a bin di Miami, Florida y lo sigui despues pa Corsou.

4) Azura di P&O Cruises a drenta pa 07.45or cu 3.074 pasahero crucero y 1.166 tripulante. Ta un barco cu a bin di Cursou y lo sigui despues pa Amber Cove, Republica Dominicana, Tortola, St. Maarten, Sint Lucia y Bridgetown

Y pa 12.30or cu salida di Island Princess e puerto di Aruba a ricibi su di 5 barco crucero pa e dia di awe 27 januari 2016 cu ta:

5) Monarch di Pullmantur group cu a drenta pa 13.00or cu 2.293 pasahero crucero y 793 tripulante. Ta un barco cu a bin di La Guaira Venezuela y lo bay despues Colon, Cartagena, Willemstad.

Total a ricibi awe en total 11.388 pasahero y 4.709 tripulante cu hunto ta un total di 16.097 bishitante. Cu esaki a casi yega e record registra di turista crucero cu a yega riba un solo dia Aruba cu tabata dia 26 di december 2013 cu un total di 11.453 turista crusero. APA no solamente ta sumamento contento di por a ricibi 5 barco crucero riba un solo dia pero tambe con tur cos a bay durante e dia. APA hunto cu diferente otro instancia a haci varios preparacion pa por haci e fluho di e cantidad di turista uno mas rapido posibel. Esaki ta hisa e nivel di servicio y brindando e turistanan mas tempo pa disfruta di Aruba y e oportunidad pa gasta mas na beneficio di e economia di Aruba.

Durante 2016 lo ta spera mas di e dianan aki na unda lo bay tin diferente barco crucero den waf di Aruba e.o. 9 maart 2016. Un aña cu segun reservacion haci te cu awor ta muestra cu lo

ricibi un biaha mas uj total di riba 600.000 turista crucero cual a logra tambe durante e ultimo 3 añanan.

E famia di Carnival Cruises consistiendo di Carnival Cruises, Princess Cruises, Holland America Line, P&O Cruises & Aida Cruises ta keda esun mas grandi pa Aruba cu un total proyecta pa 2016 di 152 calls y un cantidad di 368.000 turista crucero

E famia di Royal Caribbean ta na di dos lugar consistiendo di Royal Caribbean, Celebrity Cruises & Pullmantur Group cu un total proyecta pa 2016 di 100 calls y un cantidad di 240.000 turista crucero.

E otro lineanan crucero manera Norwegian Cruises & esnan di Europa manera Mein Schiff & MSC Cruises tin un total proyecta pa 2016 di 86 calls y 53.000 turista crucero.

Riba un dia ocupa manera awe APA di su

banda ta percura pa for di trempan tin un bon coordinacion entre tur e departamentonan involvi pa e trabounanan necesario por tuma lugar manera planea. A habri acceso adicional pa bus y taxi aliviando asina e fluho di trafico. A pone extra seguridad pa contola e trafico riba tereno di waf pa asina tin mihor control di esaki y mas seguridad pa e turistanan crucero. Tambe a percura pa e terminal y tereno riba waf tabata mas limpi posibel.

Gerencia di APA ta contento con e personal di APA a haci nan trabou y ta gradici nan inmensamente pa e bon trabou. Tambe ta gradici ATA, ministerio di Turismo, DTP, DOW, Polis y tur otro autoridad cu a contribui pa e dia por a baysublime. Tambe un gradicimento na tur touroperator, taxi y demas proveedor di servicio na turismo en general. Laga nos sigui duna lo mehor di nos.....pasobra Aruba ta nos.

BACKHOE & BOBCAT SERVICES

**Lanta sushi, rosa
tereno,
Coba pos
pa fundeshi, santo
y
piedra
Pa mas info yama
593-5050 of
592-1116**



**Orange matras
Olijfstraat 23D
TEL; 588-7468 /592-3344**

Nos tin tur size di matras y box
Nos ta fura matras - box- set
di sala- set di comedor-TV Chair.


Pa bo drumi dushi

TRAPPERS CLUB

- Fiesta, reunion, ricibimento, bruid, fiesta grandi o chikito. - Workshop, reunion, reunion deportivo, encuentronan di iglesia.
- Area openlucht ta acomoda 1000 persona
- 2 Sala cu 3 airco cu ta acomoda te cu 400 persona - Area openlucht cu stage, pa festival, iglesia, fiesta familiar
- Situa pariba di Botica Central, pabao di veld di Rockets @ Sta Cruz 748-8280

**Bo ta gusta deporte? E estudio di CIOS por ta
net algo pabo**

Anochi di Informacion pa Test di CIOS



Deporte y movecion ta algo cu bo gusta? Un estudio na 'Centraal Instituut voor de Opleiding tot Sportleiders' CIOS, por ta algo pa bo. Esaki ta un estudio pa formacion deportivo riba nivel di MBO cu na final ta conduci na un profesion den cual deporte y ehercicio ta importante. E estudio ta tuma lugar na Hulanda na 5 instituto.

Cu un diploma di CIOS, bo por traha na Aruba den e sector Horeca, cu un club of un organisacion deportivo, tambe na entre otro Stichting Geestelijk Gehandicapt, KIA of Cuerpo di Bombero.

Admision pa Estudio CIOS:

Hobennan cu ta interesa mester ta un estudiante cu ta den su ultimo aña di MAVO 4, of cu a gradua caba di MAVO 4. Tambe studiantenan di EPB-doorstroom (Niveau 1). E aplicante mester haci un test fisico pa mira si e ta cualifica pa drenta e instituto na Hulanda. Otro test cu tambe mester wordo haci prome, ta test di e idioma hulandes y test di rekenen. Ta preferibel pa e hoben tin 18 aña di edad, pa e por aplica pa un fianza di estudio DUO na Hulanda, mirando cu Aruba no ta duna un fianza pa estudio riba e nivel di MBO.

Diahuebs dia 11 di februari 2016 ta bay tuma lugar un

anochi di informacion na oficina di ASU den Centro Deportivo Libertador Betico Croes na Sta. Cruz. Esaki ta cuminsa pa 7'or di anochi.

Hobennan cu ta interesa pa haya sa mas riba e estudio di CIOS ta keda cordialmente invita pa asisti na e anochi di informacion compaña pa nan mayor.

Esnan cu ta interesa y ta desea mas informacion por tuma contacto cu sra. Jacqueline Ponson van Putten na telefoon 5824987 ext. 246 of atraves di email Jacqueline.vanPutten@aruba.gov.aw.

Nobena en connecion cu celebracion di Lourdes



Comishon Grot di Lourdes kier a informa cu normalmente riba tur ultimo Diasabra di luna tin celebracion di misa mainta na Grot di Lourdes, pero pa loque ta trata e siman aki dia 30 di January esaki a keda cancela. Si kier informa tur parokiano y henter pueblo di Aruba cu Diamars awor dia 2 di February lo cuminsa cu e

nobena en conecion cu e celebracion di Virgen di Lourdes pa 6or di atardi na Grot di Lourdes, esaki lo sigui tur atardi pa 6or di atardi te cu Diaranson 10 di February. E celebracion mes di Virgen di Lourdes lo tuma lugar Diahuebs 11 di February cuminsando cu un procesion saliendo for di Misa Santa Teresita pa 6or di atardi rumbo

Grot di Lourdes unda pa 7or lo tuma lugar un santo sacrificio di misa pa asina celebra e fiesta di Virgen di Lourdes. Kier invita tur parokiano y tambe gruponan di oracion pa uni hunto y compania nos di comishon Grot di Lourdes durante di e nobena como tambe dia 11 di February durante e gran celebracion aki.

" MORALEJA "

Dos persona tabata discuti ken tin rason:

1. Un comerciante, un empresario , un bankero, un director , un politico

Tur ta horta un pueblo pero como nan tin poder i autoridad no ta wordo castiga i no ta wordo yama ladron.

2. Un yiu di pueblo cu ta horta pa mantene su hogar, un empleado cu ta siña horta mirando e ejemplen di su hefenan, un sinberguensa.

Tur ta horta un pueblo pero no tin poder ni autoridad i ta haya castigo como ladron.

Tur dos a bai dilanti Husto Juez pa wordo huzga .

Husto Juez a dicta sentencia final:

Tur 2 partida ta culpabel di ladronia.

1. E ladron cu bachi i dashi, e homber intachabel .

2. E ladron di caya esun cu su nomber ta wordo marca como ladron.

Moralej : Final di bida tur dos ta wordo huzga como ladron.

Autor: Omaira I.Rodriguez-Britten

PUEBLO A HAÑA SU PEN BEK

Pa kualkier informacion
solodipueblo@gmail.com

of
☎ 585-9500

BACKHOE & BOBCAT SERVICES

**Lanta sushi, rosa
tereno,
Coba pos
pa fundeshi, santo
y
piedra
Pa mas info yama
593-5050 of
592-1116**



**Orange matras
Olijfstraat 23D
TEL; 588-7468 /592-3344**

Nos tin tur size di matras y box
Nos ta fura matras - box- set
di sala- set di comedor-TV Chair.


Pa bo drumi dushi

TRAPPERS CLUB

- Fiesta, reunion, ricibimento, bruid, fiesta grandi o chikito. - Workshop, reunion, reunion deportivo, encuentronan di iglesia.
- Area openlucht ta acomoda 1000 persona
- 2 Sala cu 3 airco cu ta acomoda te cu 400 persona - Area openlucht cu stage, pa festival, iglesia, fiesta familiar
- Situa pariba di Botica Central, pabao di veld di Rockets @ Sta Cruz 748-8280

**Bo ta gusta deporte? E estudio di CIOS por ta
net algo pabo**

Anochi di Informacion pa Test di CIOS



Deporte y movecion ta algo cu bo gusta? Un estudio na 'Centraal Instituut voor de Opleiding tot Sportleiders' CIOS, por ta algo pa bo. Esaki ta un estudio pa formacion deportivo riba nivel di MBO cu na final ta conduci na un profesion den cual deporte y ehercicio ta importante. E estudio ta tuma lugar na Hulanda na 5 instituto.

Cu un diploma di CIOS, bo por traha na Aruba den e sector Horeca, cu un club of un organisacion deportivo, tambe na entre otro Stichting Geestelijk Gehandicaptten, KIA of Cuerpo di Bombero.

Admision pa Estudio CIOS:

Hobennan cu ta interesa mester ta un estudiante cu ta den su ultimo aña di MAVO 4, of cu a gradua caba di MAVO 4. Tambe studiantenan di EPB-doorstroom (Niveau 1). E aplicante mester haci un test fisico pa mira si e ta cualifica pa drenta e instituto na Hulanda. Otro test cu tambe mester wordo haci prome, ta test di e idioma hulandes y test di rekenen. Ta preferibel pa e hoben tin 18 aña di edad, pa e por aplica pa un fianza di estudio DUO na Hulanda, mirando cu Aruba no ta duna un fianza pa estudio riba e nivel di MBO.

Diahuebs dia 11 di februari 2016 ta bay tuma lugar un

anochi di informacion na oficina di ASU den Centro Deportivo Libertador Betico Croes na Sta. Cruz. Esaki ta cuminsa pa 7'or di anochi.

Hobennan cu ta interesa pa haya sa mas riba e estudio di CIOS ta keda cordialmente invita pa asisti na e anochi di informacion compaña pa nan mayor.

Esnan cu ta interesa y ta desea mas informacion por tuma contacto cu sra. Jacqueline Ponson van Putten na telefoon 5824987 ext. 246 of atraves di email Jacqueline.vanPutten@aruba.gov.aw.

PRONOSTICO DI TEMPO VALIDO TE DIABIerna 29 DI JANUARI 2016

COMPILA: DIAHUEBS 28 DI JANUARI 2016 17:00 (21:00 UTC)

TEMPO: DIAHUEBS ANOCHI: LEVEMENTE NUBLA I SECO

DIABIerna: PARCIALMENTE NUBLA CU POSIBILIDAD DI MAINTA TREMPAN PA LOCALMENTE UN AWASERO

TEMPERATURA MAXIMO 30 GRADO CELSIUS Y TEMPERATURA MINIMO 24 GRADO CELSIUS.

SOLO LO BAH AWE NOCHI 06:40 PM Y LO SALI MAYAN MAINTA 07:06 AM.

BIENTO: FOR DI DIRECCION OOST Y MODERA TE BASTA FUERTE; FORSA 4 TE 5 (20 TE 39 KM/ORA, 11 TE 21 NUDO)

DE BES EN CUANDO FUERTE TE DURO DEN RAFAGA; FORSA 6 TE 7(40 TE 61 KM/ORA, 22 TE 33 NUDO)

SITUACION GENERAL DI TEMPO:

TEMPO GENERALMENTE SECO TA WORDU CAUSA PA EXTENSHON DI UN AREA DI PRESHON HALTU RIBA OCEAN ATLANTICO. SINEMBARGO, LOCALMENTE DEN ORANAN DI MAINTA TREMPAN DI DIABIerna POR CAI UN AWASERO DI DURASHON CORTICO. SOBRA DI DIA TEMPO SECO LO KEDA PREVALECE.

CONDICION DI LAMA: OLANAN DI LAMA LO TA FOR DI DIRECCION OOST CU HALTURA DI 6 TE 9 PIA

TEMPERATURA DI SUPERFICIE DI LAMA 26 GRADO CELSIUS.

TA PIDI BOTONAN CHIKI TA TENE CUENTA CU LAMA PORTA LOCALMENTE BRUTU

REGISTRACION DI TEMPERATURA (CELSIUS) Y AWACERO (MM) DEN ULTIMO 24 ORA :

AIRPORT MAX 31 / MIN 26 / 0.0

HADICURARI MAX 29 / MIN 25 / 0.0

E PROXIMO BULLETIN LO WORDO PUBLICA DIABIerna 29 DI JANUARI 2016 17:00 (21:00 UTC)

Ateliers 89 cu un tremendo workshop den 3-D yama OBRA MAESTRO

22 Februari pa 18 Maart 2016, Ateliers '89 ta bin cu un tremendo workshop di, traha den 3-D yama OBRA MAESTRO. Esaki dirigi pa docente bishitante di Berlin, Alemania e maestro y artista señor Bernd Trasberger.

Nos ta bay traha scultura y instalacion inspira riba e elementonan arquitectonico di nos ciudad. Door di duna nos fantasia tur libertad pa siña nos ta bai mira sculturanan ya existente di un forma diferente.

Ateliers '89 Fundacion ta masha contento cu e regreso di e maestro Bernd Trasberger den centro artistico di Oranjestad yama Ateliers '89 Academia di Bellas Artes Aruba.

Inscribi bo mes awor y no perde e oportunidad unico aki!!!

Na 2014 Bernd Trasberger ya a duna un workshop masha exitoso na Ateliers '89 di cual algun di e obranan ainda por wordo mira ta iluminando mahestuosamente e hardin di Ateliers '89.

Trasberger a nace na 1974 na Monchengladbach na Alemania y a finalisa su estudionan artistico na Academia Gerrit Rietveld na Amsterdam Hulanda.

Actualmente e ta traha na e ciudad Berlin. Na banda di su trabou artistico e ta duna diferente workshopnan na diferente institucionan na Europa, entre otro na Goldsmith University na Londres, Studio Tiblissi na Georgia y school di arte contemporaneo avansa na Halle.

Bernd Trasberger ta traha scultura, instalacion y collage, masha interesante mes. Den su trabou e ta

expresa su mas den e cambionan cu e ta observa den e paisahe di un ciudad.

Manerana 2014 e workshop aki sigur lo crea obranan fanatstico den sculturanan y instalacion crea door di e participantenan cu por ta abo.

Cumisando dialuna 22 di februari e workshop aki tambe ta pa un luna largo. Di Dialuna pa Diahuebs. Di 6.30 pa 9.30pm. Pa inscribi por yama su director, Elvis Lopez na Tel: 5885776 o Cel: 5654613. Tambe por haci esaki via e-mail. Info web-site www.ateliers89.com.

Ateliers '89 Academia di Bellas Artes Aruba ta situa na Dominicanessenstr. 34 na Playa, patras di hospital bieu, ariba e crusada di Maria College.

Inscribi mea pronto cu ta posibel ya cu cuponan ta limita.

Invitacion

Pader Canisius for di Amsterdam, Hulanda ta hasi un cordial invitacion pa un Nobena na honor di La Birgen "Señora di Tur Pueblo". E nobena lo tuma lugar na Misa Inmaculada Concepcion na Santa Cruz for di 25 di Januari pa 2 Februari 2016. E orario lo ta di 6or pa 7or di mainta.

Alabes Pader Canisius ta invita boso (nan) pa participa den un Retiro Spiritual cu tin como titulo "Dios ta puro amor y misericordia" cu lo tuma lugar na Centro Pastoral Santa Cruz. E retiro lo tuma lugar dia 29,30,31 di Januari 2016. Pa mas informashon tocante e retiro por tuma contacto cu:

- Baby Bello na 585-9446 of na 562-2771

- Ica Croes na 585-8546 of na 734-8585

Please cupro pa e retiro ta limita, pesey yama tempran pa segura un lugar.



**Club Trappers,
pa tur ocasion!**

748-8280

**Club ta airco,
comodo pa
cualquier evento**